

# *MODIMO O NA LE*

## *TSELAYE FILWEGO*

 Mantšiboa a mabotse, bagwera. Ke monyetla wo mogolo go ba mo bošegong bjo ka otithoriamong ye, go direla bana ba Modimo, go balwetši le batlaišwa, le go direla ba ba sego ba phološwa, ka tsela ya phološo. Gomme re maswabi gore bjo e swanetše go ba bošego bja rena bja mafelelo ka go lesolo le la go ikgetha, tatelano ya ditirelo tše, eupša ka kgonthe re nyaka go leboga yo mongwe le yo mongwe wa lena bakeng sa tirišano ya lena ya go makatša, bakeng sa tšohle le re diretšego, go re fa tumelo ya lena, le ya lena . . . tšohle tše le di dirilego. Re leboga go tšwa mabotebong a pelo ya rena. Bokagosafelego bo nnoši bo tla bolela ka fao re lebogago.

<sup>2</sup> Gomme re nyaka go leboga Ngwanešu wa rena Cauble, bakeng sa thekgo ya mašeleng ya gagwe ka mo toropongkgolo; le bakeng sa tirišano ye kaone re bilego le yona le yena le kereke ya gagwe, le batho ba gagwe. Gomme re a le leboga lena bohole ba le tšwago mafelong a go fapano, go tšwa Indiana le tikologong, dinaga mabapi. Ebile e be e sa kwalakwatšwa ntle fale. Ke a thanka le sa tšo e hwetša ka poso, ka mokgwa wo mongwe, go yona go ba fa. Gobane, re a tseba re be re ka se be le sekgoba se sentši ka kerekeng yela. Gomme re naganne, ge go bile gampe kudu, gona mohlomongwe re ka hwetša bošego goba a mabedi ka otithoriamong.

<sup>3</sup> Bjale, re thabela batho ba ba re dumelitšego go ba le otithoriamye bošegong bjo, ka gore re leboga seo, bakeng sa bona go buleng lefelo le bakeng sa ditirelo tše ka bošegong bjo bja Lamorena, bakeng sa letago la Morena wa rena Jesu Kriste. Re a Mo leboga.

<sup>4</sup> Gomme bjale, feela ge ke be ke etla ka gare feela bjale, ngwanešu wa ka le Billy, gomme ba bangwe ba bona ba be ba eme ntle kua, ba mpoditše gore go bile a go lekanelo, mašeleng a go lekanelo go lekanelo go lefela dikoloto tšohle. Ba lefile rente ya kereke, le kuranta, le mohlokemedi wa kereke, le mmino, le dikwalakwatšo tšohle tša kuranta, kgašo ya seyalemoya. Se sengwe le se sengwe se lefetšwe, go fihla bošegong bjo. Ke a nagana ba bile le go lekanelo, kafao seo se tlogetše moneelo wa lerato wa bošego go lokologa bakeng sa ka.

<sup>5</sup> Seo, ka mehla ke lekile go boloka, bjalo ka ge le tseba, botsebalegi ka tšhelete. Ga re dire seo. Gomme ge go se gwa lekanelo go hlokomela dilo, gona ke tla e tše go tšwa go moneelo wa ka wa lerato. Gomme moneelo wa lerato, ebile ke be nka se

tšee woo, ge nkabe ke se monna wa modiidi gomme ka swanelo go phela boka ka moka ga rena re dira. Ge ke be nka kgona go šoma, gomme ke sa sepediša dikopano tše go kgabaganya setšhaba, ke be nka se tsoge ka bolela moneelo wa lerato bakeng sa nnamong. Feela ditefo go lefša ke tšohle re di nyakago. Gomme seo ga se feela go ba ka Louisville, seo se bile go dikologa lefase. Gomme ge feela ke phela, gomme Modimo o tla nthuša, go tla dula ka tsela yeo. E sego tšhelete; ga ke ka morago ga tšhelete. Ke leka go dira batho go dumela Morena Jesu Kriste, bakeng sa phološo ya bona le bakeng sa phodišo ya bona.

<sup>6</sup> Gomme dikarolo tša lena, le go ya pele, tše le di beilego ka gare, beke ye ya go feta, di ile bakeng sa morero woo. Gomme ka Lamorena bošego, ka mehla ba, goba bošego bja go feta bja kopano, e ka ba eng, ke beke goba dibeke tše pedi, matšatši a lesome goba e ka ba eng, ba ntšeela moneelo wa lerato. Gomme ge go ka ba se sengwe ka fale seo se tla šalago, se tla ya thwi ka go otloga go maboromiwa a dinaga tša ntle. Mohlomongwe mongwaledi wa ka le bona ba ba hlokomelago tšhelete, le go ya pele, ba dutše ba le gona bjale, le mosadimogatša wa ka le bona, ba ba tsebago gore yeo ke therešo. Gomme Ramaatlakamoka Modimo, Yo e lego Moahlodi wa rena, o tseba seo go ba therešo. Gomme kafao re le leboga bakeng sa se sengwe le se sengwe seo le se dirilego.

<sup>7</sup> Bjale, bjo e lego bošego bja go tswalela bja tirelo, bjale re thoma gosasa bakeng sa Shreveport, Louisiana, go thoma kua ka Otithoriamong ya Masepala bakeng sa ditirelo; tirelo ya go latela ke go thoma nako yeo.

<sup>8</sup> Gomme morago re ya go tloga fale go ya Denver, Colorado, moo Banna ba Kgwebo ba Bokriste, ba Denver, ba re thekga ka mašeleng kua, ka go le—le lesolo. Gomme ke a dumela ke ya Bosetšhaba goba Otithoriamong ya Toropokgolo kua; ga go dikereke tše di e thekgago ka tšhelete, e no ba Banna ba Kgwebo ba Bokriste.

<sup>9</sup> Gomme ka gona go tloga fao, re ya go—go Edmonton, Alberta. Gomme ka gona go tloga fao, go ya Grant Prairie, British Columbia; Dawson Creek; go ya pele godimo ka nageng ya Maeskimo.

<sup>10</sup> Gomme re tla morago tlase gape nako yeo, tikologong, go thoma tlase fa ka dinageng gape, tikologong ya June, ye e tla bago godimo ka Des Moines, Iowa. Gomme re ya mapatlelong a kampa a Methodist ka Letsheng la Cedar, ka khonferenseng kua; gomme morago godimo go ya Pacific Leboabodikela.

<sup>11</sup> Gomme ka gona go tloga fao, go ya Durban, Afrika Borwa. Nako ye, ga se kgetho ya ka, peakanyo ya ka. Ke O RIALO MORENA. Gomme go ya Afrika; India; Palestina; Luxembourg; Frankfurt, Jeremane; le London; gomme morago go ya Paris; morago morago gae.

<sup>12</sup> Ka gona go tloga fao, re swanetše go tsena ka gare tikologong ya Janaware goba Febereware, re ya New Zealand, Australia, le go ya Bohlabela.

<sup>13</sup> Gomme ke tla be ke letile dithapelo go be di etšwa Louisville, Kentucky, go thekga kopano ye re yago ka go yona, ka go lenaneopeakanyo.

<sup>14</sup> Ye nngwe ya dinako tše, ge nka direga go tla morago ebole le ngwaga go tloga lehono, go ne ba bantši ba dutšego fa bošegong bjo, mohlomongwe, ba ka se be fa, ge ke seditšwe. Ka go batheeletši ba bogolo bjo, oo, batho ba sekete goba go feta, e ka ba eng, ba tla—ba tla ba ba bantši ba lena ba tla be ba ile. Ka gona ke tla kopana le lena gape, wo mongwe wa meso ye ya letago, ka tsogong, ge bakgethwa (balopollwa) ba tlišwa morago lefaseng gape, bakeng sa Mileniamo wo mogolo. Ke holofela go fetša Bokagosafelego bja go se fele le lena ka Mmušong wa Modimo, wo ke o emelago mo bošegong bjo.

<sup>15</sup> Modimo a le šegofatše bohole. Gomme ga ke nyake go tlogela e ka ba mang ntle. Bahumagadi ba bannyane ba ba bapalago mmino le, oo, yo mongwe le yo mongwe, Modimo a le šegofatše.

<sup>16</sup> Bjale ke bontši bja ka, bošegong bjo, go bolela feela dinakwana di se kae gape. Gomme ga ke tsebe ke nako efe re swanetše go tswalela otithoriam. Eupša go thomeng feela nako, ka masometharo a seswai, mohlomongwe go bolela seripa sa iri; morago go thoma mothalo wa rena wa thapelo, go rapelela balwetši.

<sup>17</sup> Gomme bjale lena batho barategi ba Bakriste fa, ba Louisville, Kentucky, le Jeffersonyville, New Albany. Le lengwe la matšatši a, ke tla rata go kwalakwatša kopano bosetšhaba, le go ba le ya kgale, tente ye kgolo ya kgale e beilwe ntle fa, yeo e tla dudišago batho ba dikete tše mmalwa, le go ba le tsošeletšo ya fešene ya kgale. Seo ke se ke naganago re a se hloka ka Louisville, ke ya fešene ya kgale, tsošeletšo seromelwa ke Modimo. Rapelang. Ge Morena a hlahla ka tsela yeo, ke tla tla.

<sup>18</sup> Bjale go na le masolo a mabedi goba a mararo a phodišo a kgatlampanganago ka toropongkgolo. Ke ka baka leo ga se ra tsoge ra e dira taba ya setšhaba. Re no tla go kereke ya Ngwanešu Cauble, le a bona. Gomme ga se ra tla mo go ba baphenkgišani go baena ba bangwe ba. Ga re dumele go beng baphenkgišani go bodumedi bja Jesu Kriste. Re baena, mmogo, re šoma mmogo bakeng sa tšohle re ka kgonago, bakeng sa go loka ga Mmušo wa Modimo, le kereke ye nngwe le ye nngwe, yo mongwe le yo mongwe.

<sup>19</sup> Re ka no fapananthatana gannyane ka dikgopololo, badiredi, eupša e sego go batho. Re sa dumela gore Madi a Jesu Kriste a re hlwekiša go tšwa go gohle go se loke. Re ba barwa le barwedi ba Modimo ka go ipolela dibe tša rena le go amogela Madi a, go sa kgathale o wa kereke efe. Gomme re dumela seo ka pelo ya rena

yohle. Ditirelo tša ka ka mehla ke mohlakanelwa wa boebangedi, goba kerekelainamohlakanelwa, kafao re a tshepa gore Modimo o tla le šegofatša bohle.

<sup>20</sup> Bjale, go emeng, gagolo, ka toropongkgolo goba lefelo, ga re mo go emela phodišo Kgethwa. Ebile ga re tšweletše phodišo Kgethwa. Re tšweletša Jesu Kriste, Morwa wa Modimo. Gomme ge o tšweletša Jesu Kriste, o tšweletša phodišo Kgethwa. Ka baka la gore, ke ditholanakgopololo tša lehū la Gagwe, leo le re fago phološo, le phodišo ya mebele ya rena.

<sup>21</sup> Gomme ga go—ga go maatla ka go monna yo a itšego, a ka kgonago go fodiša motho yo mongwe. Phodišo e šetše e rekilwe Khalibari. Gomme selo se nnoši re ka kgonago go se dira ke go šupetša motho moo gore nako ye nngwe, sehlabelo sa go lekanela gohle se dirilwe ke Jesu Kriste Morwa wa Modimo. Ka fale, re no lebelela le go phela. Modimo o dirile tsela, gomme re a e amogela.

<sup>22</sup> Modiredi o be a ka se kgone go phološa le o tee; a ka kguna feela go rera Ebangedi, ge a tloditšwe ke Moya wo Mokgethwa, le go šupetša batho go lefelo moo ba phološitšwego. Ba phološitšwe, mengwaga ye makgolo a lesomesenyane ya go feta, kua Khalibari. O swanetše go e amogela bjalo ka Mopholosi wa gago wa sebele bjale, go ba le dikholego, goba mašokotšo, go tšwa lehung la Gagwe, le go ipshina ka ditholanakgopololo tša se A se hwetšego.

<sup>23</sup> Bjale, gomme phodišo Kgethwa ke selo sa go swana. “O gobaditšwe ka baka la dikarogo tša rena, o tlapirigantšwe ka baka la bokgopo bja rena, kotlo ya khutšo ya rena godimo ga Gagwe, ka megogoma ya Gagwe re fodišitšwe,” bohle ka letšatšing le le swanago, ka Monna yo a swanago. Go se arogane, go kitima go bapela, e tee go ye nngwe; Madi a etšwa mokokotlong wa Gagwe, gomme ao a tšwago go ntho ya Gagwe, a hlakane mmogo le go kitima go tloga maotong a Gagwe. Le a bona, yeo ke yona. Phološo, phodišo, khutšo, kgotsofalo, thabo, se sengwe le se sengwe seo re se hlokago ka go leeto la lefase, se phethagaditšwe ka Khalibari. Gomme Modimo o tla direla yo mongwe le yo mongwe yo a tla e amogelago godimo ga metheo yeo le go e dumela ka pelo ya bona yohle.

<sup>24</sup> Bjale, “Modimo o beile ka Kerekeng, ba bangwe barutiši, baapostola, baprofeta, dimpho tša phodišo,” gomme, oo, mehuta ya go fapano ya dimpho. O beile seo ka Kerekeng “bakeng sa go phethagatša Kereke,” go tliša Kereke mmogo.

<sup>25</sup> Gomme bjale, matšatši a fetile ge e sa le tikologo ya mathomo ya baapostola. Ba bile le dimpho tšohle tše senyane di šoma ka kerekeng.

Tikologo ya bobedi, ba thoma go fola.

Tikologo ya boraro, tšohle di nyakile di ile.

Morago e ile ntle ka go mengwaga ye makgolo a lesometlhano ya mabaka a leswisi.

Morago gwa tla mpshafatšo.

<sup>26</sup> Ka morago ga mpshafatšo, gwa tla tlhwekišo; ka morago ga tokafatšo gwa tla John Wesley, a rera tlhwekišo. Ka fale go tlie Calvin, Knox, le bohole ba bale ba tlilego tlase ka go Pentecostal, Nazarene, lebaka lela.

<sup>27</sup> Gomme bjale re sepelela thwi pele ka go lebaka le lengwe le legolo, re tla bakeng sa Tlhatlogo ya Kereke. Gomme ka go le, re phela ka nakong ya pušetšo ya dimpho. E thetšitše tše ntši tša dikereke tša bona tše kgolo tše kaone; e rometše Nazarene morago; e dirile mahlanya go tšwa go bontši bja Pentecost. Eupša, go no swana, Modimo o sepelela thwi pele, go tliša ka gare Tumelo ya Tlhatlogo bakeng sa Kereke ya Gagwe. Yeo ke nnete. Kafao, bošegong bjo, ke emela Tumelo yela, “Tumelo yeo e kilego ya fiwa bakgethwa gatee,” ka tsela ya mpho ye Kgethwa.

<sup>28</sup> Yeo, go kgopolu ya ka, “Dimpho le dipitšo...” E sego kgopolu ya ka; eupša Beibele e bolela, gore, “Dimpho le dipitšo di ka ntle ga tshokologo.” Ga go selo o ka kgonago go se dira ka yona. O ka se kgone go itira wenamong ka mahlo a bolou ge o na le a matsothwa. O no ba se o logo, ka mogau wa Modimo.

<sup>29</sup> Ebile o ka se tle go Modimo ntle le ge Modimo a go bitša pele. O ka se kgone go nyaka Modimo ntle le ge Modimo a go nyaka pele le go go bitša. “Ga go motho a ka tlago go Nna, ntle le ge Tate wa Ka a mo goga.” Kafao, Modimo o a nyaka. “Modimo o beile ka Kerekeng...”

<sup>30</sup> Gomme ka gona go tšwa go ngwana yo monnyane, a belegetšwego ka mo nageng ye ya Kentucky, dipono di no tla go nna go no swana le—le go ja goba e ka ba eng gape. E no ba bjalo ka ge Modimo a rata, O a e e fa. Ke no dira bjalo ka ge A mpotša go dira.

<sup>31</sup> Nnete, ke ne baswaswalatši ba bantsi. Ke ne batho ba bantsi ba ba sa e dumelogo. Ga go kgathale se se bego se tla direga, ba be ba ka se e dumele, golebjalo. Ke letela go ba le yeo. Gomme ge ke be ke se na le seo, ke be ke tla ya tlase aletareng felotsoko gomme ka re, “Morategi Morena, phošo ke eng ka nna?”

<sup>32</sup> “Gobane bohole ba ba phelago bomodimo ka go Kriste Jesu ba tla tlaišega ka tlhomaro.” Nnete. Re swanetše go ba le yona. Yeo ke nnete.

<sup>33</sup> Kafao, Jesu o bile le yona. Gomme O rile, ge... Ge A kgonne go ema ka go batheeletši ba Gagwe, le go tseba ke eng (batho) se bego se le phošo, le ka fao ge eba ba fodišitšwe goba aowa. Gomme ba Mo kgwathile, ka tumelo ya bona—ya bona. Ge A retologile gomme o rile, “Ke mang a Nkgwathilego?” O rile, “Tumelo ya gago e go phološitše. Bjale taba ya gago ya madi e eme. Tumelo ya gago e go dirile o thakgafale.”

<sup>34</sup> Mosadi o tlide go Yena nako ye nngwe. Goba, O be a eme mo a bego a le gona; mogobeng, goba lefelo la go nwa, sediba, sediba sa Jakobo. Gomme mosadi o tlide, gomme O swere poledišano le yena dinakwana di se kae go fihla A hweditše bothata bja gagwe. O rile, “Sepela o tsee monnamogatša wa gago.”

O rile, “Ga ke naye.”

O rile, “Yeo ke nnete. O ne ba bahlano.”

<sup>35</sup> Yena, ge A be a le mo, O tsebile mo hlapi e bego e le gona, e na le khoine ka molomong wa gagwe. O tsebile moo dimoula tše pedi di bego di eme, di tlemlwe, moo ditsela tše pedi di tlilego mmogo. Gomme O tsebile moo monna a bego a tla be a rwele moeta. Dilo tše dintsi tseo A di tsebilego. O tsebile Filipi ge a etla go Yena, gore o be a rapela pele a etla, ka tlase ga mohlare; o tsebile gore o be a le wa go loka, monna wa moloki.

<sup>36</sup> Eupša O rile, ka go Mantšu a Gagwe Mong, “Ga Ke kgone go dira selo ka Bonna, go fihla Tate a Mpontšha se ke swanetšego go se dira.” Bohle ba ba dumelago Lengwalo leo, e reng “Amene.” [Phuthego e re, “Amene.”—Mor.] Seo ke se, Mokgethwa Johane 5:19.

<sup>37</sup> O fetile hleng le lešaba le legolo, batho ba dikete tše pedi goba tše tharo ka fale; digole, ba go phetlega, dihlotsa, digole, difofu, ba go omelela; a tletše lerato le kwelobohloko, o sepetsē thwi kgauswi le yo mongwe le yo mongwe wa bona. O fodišitše monna ka bolwetši tsoko bjo bonnyane, boka. Oo, ga ke tsebe; a ka no be a be a le ka tlase ga mokgohlwane wo mobe, go tsohle ke di tsebago. Bjona, o bile le bjona mengwaga ye masometharo seswai. Bo be bo sa ye go mo gobatša goba go mmolaya; e be e le go se itekanele. Gomme O thakgafaditše monna yola, gomme a sepela le go tlogela lešaba lela le robetše kua. Gomme ka gona ge A be a botšišwa, O rile, “Ga Ke kgone go dira selo ka Bonna, eupša se Ke bonago Tate a se dira.”

<sup>38</sup> Bjale dinako tše dingwe batho ba nyaka A dira metlae ka seo, ge ba bone O bile le maatla ale. Ba Mmotšišitše. Herode o rile, “Ntirele mohlolo. A nke ke Go bone o dira se sengwe.” Gomme o Mo kgopetše go ipolelala Yenamong. O eme, boka, semuma pele ga bakoti ba yona, boka nku pele ga bakoti.

<sup>39</sup> Ba tateditše lešela go dikologa hlogo ya Gagwe, letšatsi le lengwe, sehlopha sa mašole a go swaswalatša, gomme ba Mmetha godimo ga hlogo, gomme ba re, “Bjale ge O le moprefeta, ge O tseba dilo tše tsohle, le go ya pele, re botše ke mang a Go iteilego. Re direle mohlolo.”

<sup>40</sup> Ge Sathane la mathomo a kopana le Yena, Sathane o rile, “Bjale ge o ka ntirela mohlolo, ke tla dumela gore O Morwa wa Modimo. Fetola matlapa a go ba borotho. A nke ke Go bone o e dira.”

Jesu o nno tsopola Lengwalo thwi morago go yena.

<sup>41</sup> Gomme ka gona, nako ye nngwe le ye nngwe, Sathane o be a nyaka go Mmona a dira mohlolo. Batho ba ba swerwego ke Sathane, ba nyaka go Mmona, "Ntirele se sengwe. A nke ke Go bone o fodiša *yo*. A nke ke bee mongwapo seatleng sa Gago; gomme O o fodiše gomme ke tla Go dumela." Ke lena bao. Moya wa go swana wo mobe woo o rilego, "Fologa sefapanong bjale gomme re tla Go dumela. Diatla tša Gago di kokotetšwe godimo fale. O bitša Eliya; a re mmone a etla, a Go lokolla bjale. Ge O hweditše go gaogelwa kudu ka go Yena, ka go Modimo, a re Mmone a Go lokolla. Fologa sefapanong gomme re tla go dumela. Dira mohlolo pele ga rena."

<sup>42</sup> Mehlolo ka mehla e makaditše mosedumele. Eupša, go no swana, Tate wa rena wa Legodimong ke Modimo modiramehhlolo, go le bjalo. Yeo ke yona. Mogohle A bilego gona ka mehla, e ka ba eng bodiredi bja Gagwe bo bilego, moo A bilego le badiredi ba Gagwe, go bile le maswao, matete, le mehlolo.

<sup>43</sup> Bjale Morena a le šegofatše, ge ke sa bala temana ya Lengwala fa lebaka la dinakwana di se kae, gomme morago re tla ya ka go tirelo, gomme morago thwi go tirelo ya phodišo.

<sup>44</sup> Bjale lebelelang. Jesu, ge A be a le mo lefaseng, O rile, "Bjale, dilo tše Ke di dirago, le tla di dira le lena. Bontši go feta bjo le tla dira, goba tše kgolo, gobane Ke ya go Tate wa Ka. Bjale efela lebakana le lennyane," ke tsopola Jesu, "efela lebakana le lennyane gomme lefase ga le sa Mpona gape, efela lena le tla Mpona, ka gore Ke tla ba le lena, le ka go lena, go fihla bofelong bja lefase." "Jesu Kriste wa go swana maabane, lehono, le go ya ile."

<sup>45</sup> Ke ba bakae Bakriste ka fa, bošegong bjo, ba dumelago ka pelo ya lena yohle, gore Jesu Kriste o tsogile go tšwa bahung gomme o a phela bošegong bjo? A re boneng seatla sa lena. Gabotse, ge A swana maabane, lehono, le go ya go ile, a A ka se tšweletše, bošegong bjo, ka Kerekeng ya Gagwe, selo sa go swana A se dirilego ka Kerekeng ya Gagwe, ge A be a le mo lefaseng, ka nameng? Le a bona? E no ba . . . Moya wo Mokgethwa ke Moya wa Jesu Kriste. O fa ka sebopego sa semoya, feela go phela kudu bjalo ka ge A kile a ba; mo, o phela ka go rena, o dira dilo tše A di dirilego ge A be a le mo lefaseng, bjalo ka tiišetšo ya go ba ga Gagwe le rena. "Ke tla ba le lena, le ka go lena, go fihla bofelong bja lefase." Morena a le šegofatše.

A re ka rapela.

<sup>46</sup> Tate wa Legodimong, bošegong bjo, hwetša letago, Tate wa Legodimong, go tšwa go matsapa a rena ao re lekago go a bea pele bakeng sa letago la Gago. Bjale mo go letše Lentšu, mo godimo ga phuluphithi, le bulegile. Eupša ke mang a ka kgonago go Le kwešiša? Ge, Le ngwadilwe ka tšhušumetšo, le tshepišitšwe, gore, "Le be le utilwe go mahlo a ba bohlale le ba tlhaologanyo, gomme le tla utollwa go masea ao a tlagoo ithuta." Bjale, Tate,

re a rapela gore O tla re dumelala go itemoga renabeng masea, go se tsebe e ka ba eng, gore re ke re ithute dilo tše dingwe ka kutollo ka Moya wo Mokgethwa. A nke A tsee Lentšu la Modimo bjale gomme a Le fe go pelo ye nngwe le ye nngwe bjalo ka ge re ne tlhoko. Ka gore re e kgopela Leineng la Gagwe. Amene.

Ka go Genesi . . .

<sup>47</sup> Go no ba borutho gannyane godimo mo; ke a thanka ke bjona ntle kua, gape. Ge bahlokomedi ba ka fa feela moyo wo monnyane ka moagong, gore batho ba tla ikwela feela bokaonana gannyane. Ke bona ba bangwe ba bona ba futhela.

<sup>48</sup> Bjale, ka go Genesi tema ya 22, ke nyaka go gogela šedi ya lena go mantšu a se makae fa; feela go tswaleleng ga kopano ye, a Ebangedi. Ka mehla ke rata go bolela, goba go bala le lengwe la Lentšu fa, gobane Lentšu le le ka se tsoge la feta. Gomme Ke la Gosafelego, go ya go ile.

<sup>49</sup> Gomme ge nka bolela e ka ba eng ka ga sehlogo, bakeng sa bosegong bjo, ke duma go bolela ka se: *Modimo O Na Le Tsela Ye E Filwego*. O na le tsela ye e filwego ya go batamela go Yena. O na le tsela ye e filwego ya go phonyokga. Gomme O na le tsela ye e filwego bakeng sa se sengwe le se sengwe re se hlokago. Ge re ka kgona feela go hwetša ka tsela yeo Modimo a e filego, gona re na le nnete ya go se hwetša. Ge Modimo . . .

<sup>50</sup> Ge moago wo o filwe mo go tlhokomelo ya, go tloša pula go rena; ge feela re tsena ka moagong, gona re ka ntle ga pula.

<sup>51</sup> Ge Modimo a file tsela bakeng sa phološo, re ka kgona go hwetša tsela yeo e filwego, re ka kgona go ba le phološo. Ge Modimo a file tsela ya phodišo Kgethwa, gona re ka kgona go hwetša, go tsena ka tseleng yeo, ra hwetša phodišo Kgethwa. Ge A filwe khutšo bakeng sa go se kgosele, gona ge re tsena ka tsela yeo le go hwetša tsela ya Gagwe ye e filwego, re ka kgona go ba le khutšo.

<sup>52</sup> Bjale go baleng go tšwa go temana ya 7 ya tema ya 22. Hlokamelang se bjale; ye kgolo, kanegelo ya terama mo pele ga rena.

*Gomme Isaka o boletše le Abraham tatagwe, gomme o rile, . . . tate: gomme o rile, Ke nna yo, morwa wa ka. Gomme o rile, Bona mollo le dikgong: eupša e kae kwana bakeng sa se sehlabelo sa go tshungwa?*

*Gomme Abraham o rile, morwa wa Ka, Modimo o tla ineela yenamong kwana bakeng sa sehlabelo sa go tshungwa: . . .*

<sup>53</sup> A nke Morena a oketše ditšhegofatšo tša Gagwe palong ya Lentšu leo. Nka no bala, ka go arabela go yeo, temana ya 14, gape.

*Gomme Abraham o biditše leina la le lefelo Jehofa-jireh: bjalo ka ge go bolelwa ka letšatšing le, Ka thabeng ya MORENA e tla bonwa.*

<sup>54</sup> *Jehofa-jireh* e be e le leina la Modimo la topollo. Modimo, lentšu *Jehofa-jireh*, le ra, “Modimo o tla ineela sehlabelo Yenamong.” “Modimo o tla dira tsela,” ka mokgwa wo mongwe. Bjale, Modimo o bile le mainagokwa a šupago a topollo; *Jehofa-jireh*, le *Jehofa-manase*, le *Jehofarapha Mofodiši*, le ohle mainagokwa a a go fapano ao A bego a na le wona, seo A bego a le sona, a emela seo A bego a le sona go batho. Gomme sehlabelo se se filwego, bošegong bjo, *Jehofa-jireh*, “Morena o tla ineela Yenamong kwana.”

<sup>55</sup> Kanegelo ye kgolo ya terama e letše pele ga rena, ge—ge re sepelela ka gare bjale, a nke Moya wo Mokgethwa o tsee Mantšu a se makae a a latelago le go tlema pelo ye nngwe le ye nngwe.

<sup>56</sup> Bjale bjo ke bošego bja mafelelo bja tirelo, gomme ke nyaka yo mongwe le yo mongwe wa lena go mpha šedi ya lena ya go se arogane, le go theetša sekgauswi bjale. Re leka go tsena bakeng sa phenyo ye kgolokgolo ya kopano. Bjo ke bošego bja mafelelo. Ka mehla go na le batho ba bantši ba fodilego bošegong bja go feta go feta ba ba lego ka kopanong ka moka; tetelo ye kgolo.

<sup>57</sup> Sathane o lwa kutšwana. Se sengwe le se sengwe se a fošagala, o ka re, gobane Sathane o leka go boloka batho bale ka go ngangego, le se sengwe le se sengwe gape, gore a kgone go ba thibela go tloga nako ye kgolo ye ya ngangego yeo bjale re tsenago ka go yona, bakeng sa ye kgolo, bjalo ka ge re tla bolela, “Go ipheleletša.”

<sup>58</sup> O šetše a iteilwe, mo khoneng. O senotšwe, gomme didirišwa tšohle tša gagwe di senotšwe. Gomme banna le basadi ba amogetše Jesu Kriste bjalo ka Mophološi wa bona. Batho ka kankere le dišo, le—le se sengwe le se sengwe gape, ba fodišitšwe; ditatamente tša dingaka di netefatša gore ke therešo.

<sup>59</sup> Bjale fa go dutše sehlapha sa batho fa bošegong bjo, ba dutše, ba letile ka tlase ga tetelo ye kgolo. Gomme Sathane, ge a ka kgona go tsenatsena monagano wa gago, seo ke sohle a swanetšego go se dira. Eupša a re yeng ka gare bjale go ipheleletša kudu, feela bjale, go raka Sathane le maatla ohle a gagwe thwi go tšwa moagong, gore Modimo a kgone go ba le tokelo ya tsela le go fodiša motho yo mongwe le yo mongwe a babjago, bakeng sa letago la Modimo.

<sup>60</sup> Bjale, Abraham mopatriaka o tlide fase go tšwa Siniara, kgole go tloga go tora ya Babele. Yena le tatagwe ba sepetše go theogela ka me—me melaleng. Gomme kua, Abraham, ka mengwaga ye e ka bago masomešupa tlhano ka bokgale, Modimo o biditše Abraham, ka kgetho, gomme a mo roma ka ntle ga naga ya gabon, a mmotša gore o be a eya go ba le ngwana ka mosadimogatša wa gagwe, Sarah, yo a bego a le mengwaga ye

masometshela tlhano bogolo nako yeo. Modimo o tshepišitše. Ke nyaka le bone ka fao ditshepišo tsha Modimo di lego kgonthe kudu go bao ba tla e amogelago. Gomme O mmoditše se A bego a eya go se dira. Gomme o sepeletše ntle, a sa tsebe mo a bego a eya, eupša a diilela ka nageng ye šele.

<sup>61</sup> Modimo, ge A bitša batho, O bitša karoganomoka go tloga go dilo tšohle tsha lefase; phedišomoka go tloga go dilo tsha lefase. Ikaroganye wenamong, gomme Modimo o tla go šegofatša. “Etšwang magareng ga bona; le se be batšeakarolo ba dibe tsha bona.” “O se ithweše joko wenamong magareng ga basedumele, eupša ithweše joko wenamong le badumedi, badudimmogo ba Mmušo.”

<sup>62</sup> Gomme Abraham o ile a swanela go tsea mosadimogatša wa gagwe le go tlogela naga. Eupša o dumetše Modimo, ka tumelo. O be o ka se kgone go e fa mabaka. Ga go tsela ya go hwetša ka fao a bego a ka kgona go tsoge a e dira. Ka fao, mosadi yo, o phetše le yena ge e sa le a be a le mosetsana yo moswa; bobedi bja bona, baswa, batho ba go phelega, matšatši a ohle; go fihla nako yeo a le masomenne, masometlhano, masometshela, ka kgonagalo mengwaga ye masomepedi tlhano a fetile menophose. Gomme Modimo o rile, “O ya go ba le lesea ka mosadi yo.” Gomme Abraham o dumetše Modimo; kgahlanong le lebaka lohle, kgahlanong le diphatišio tšohle tsha saense, ebile go fihla letšatši le. Mosadi a ka kgona bjang, bogolo bja mengwaga ye masometshela tlhano, go ba le lesea? Eupša Modimo o rile o be a eya go e dira, kafao Abraham o e dumetše.

<sup>63</sup> Kafao o ile ntle, a sa tsebe moo a bego a eya. Gomme, mafelelong, morago ga ge Sarah a fihlile go nyakile go ba mengwaga ye lekgolo bogolo, Abraham a sa dumela. Ke nyaka le e bone. A sa dumela gore Modimo o be a eya go boloka tshepišo ya Gagwe, o bile le se sengwe le se sengwe se le komana bakeng sa lesea. Gomme mafelelong mongwana a fihla. Modimo ka mehla o e dira ka tsela yeo. O tlišitše lesea feela ka sehla sa gona.

<sup>64</sup> Le a bona, boteletšana e ilego, Abraham o nagantšhitše, “Gabotse, ga se ke le hwetše lehono. Ga se ke le hwetše kgwedi ye. Ga se ke le hwetše kgwedi ya go feta. Eupša ga go kgathale ke boteletšana gakaakang, ge e le boteletšana, ge ke tšofala kudu, e tla ba ya mohlolo go fetiša tekano.” Efa Modimo tumišo bakeng sa yona.

<sup>65</sup> Go na le gore re fokole, go swana le ka fao re tla bago; re rapeletšwe, bošegong bjo, gomme re—re fodišwe; o rile o bile gampepme gosasa, o re, “Oo, gabotse, ga go selo go yona.” Leo ke lebaka; ga o kgone go boloka Lentšu la Modimo.

<sup>66</sup> “Lentšu la Gago ke le utile ka pelong ya ka, O Morena!” Dafida! Uta Lentšu la Modimo ka pelong ya gago, gomme ka gona Modimo o tla boloka Lentšu leo. Modimo o swanetše go boloka Lentšu la Gagwe. Modimo ga se a swanela go fodiša,

go netefatša maatla a Gagwe. Eupša O swanetše go fodiša, go boloka Lentšu la Gagwe. Yeo ke nnete. Modimo ga se a swanela go netefatša selo. Yena ke Modimo. Eupša se A se bolelago, O ikarabela go Lentšu la Gagwe. Go bjalo wena le nna re a ikarabela go lentšu la rena. Gomme Modimo o a ikarabela go Lentšu la Gagwe.

<sup>67</sup> Kafao ge phodišo Kgethwa e le ka go Lentšu, seo se a e ruma. Ge “A gobaditšwe ka baka la dikarogo tša rena, ka megogoma ya Gagwe re fodišitšwe,” seo e be e le sehlabelo, seo se a e ruma. Bokgole bjo ke amegago, ke phetho. Ge Modimo a e dirile fale, a tshepišitše O tla e dira, seo se a e ruma.

<sup>68</sup> Ke ka tsela yeo go bileyo le Abraham. Ga go kgathale ke eng e tlago goba e ilego, Abraham o e dumetše go le bjalo. Mohlomongwe o beile se sengwe le se sengwe komana bakeng sa ngwana, morago Modimo o mo dumeteletše go ya go fihla a be a le bogolo bja mengwaga ye lekgolo; a bušetša yena le Sarah morago go lekgarebe, lesogana gape, gomme a ba fa lesea.

<sup>69</sup> Fao, a seswantšho se sebotse bjale re nago naso pele ga rena, ka fase ga kelohloko. Ngwana šo, o ba mengwaga ye e ka bago lesometshela bogolo, lesomešupa, yona pelo ya mokgalabje yo le mosadi; wa go ratega, moisa yo monnyane.

<sup>70</sup> Bjale Modimo o bolela le Abraham, bošego bjo bongwe, o rile, “Abraham, mo iše godimo kua thabeng, gomme o mo neele. Mmolaye.” Gomme, efela, Modimo o be a tshepišitše Abraham, gore, “Ka Isaka ditšhaba tšohle tša lefase di tla šegofatšwa.” O ya bjang bjale, ka morago ga mengwaga ye yohle a letile, a dumela; gomme bjale ka morago ga ge nako ye yohle e fetile, lesea le bjang... Kholofelo e nnoši ya tshepišo ya Modimo, gomme Modimo o boditše Abraham go senya kholofelo ye nngwe le ye nngwe a bileyo le yona gape.

<sup>71</sup> Le bona ka fao Modimo a dirago? Diteko! Modimo nako ye nngwe o go dumelela go gakala gannyane morago ga ge o rapeletšwe, go no go leka. Diteko le melako ya tumelo! Eupša, “yo a kgotlelago.” Seo yona. Swarelela; tše Modimo Lentšung la Gagwe. Dumela Lentšu le lengwe le le lengwe la Yona. Ga go kgathale se e ka ba eng gape e se bolelago goba e se dirago; Le dumele, golebjalo. Ga go kgathale maemo a lebega bjang; dumela Modimo, go le bjalo.

<sup>72</sup> Gona, fale Modimo o re, “O tše mošemane gomme wa mo tšeela godimo fale. Ke ya go šegofatša lefase lohle ka yena. O letile mengwaga ye yohle; bjale o bogolo bja mengwaga ye lekgolo, e ka ba lekgolo le lesometshela, lesomesesawai, bogolo bja mengwaga. Bjale ke nyaka o tše moisa yo monnyane, gomme o mo tšeela godimo ga thaba kua gomme o mmolaye.”

<sup>73</sup> Nna, oo, go bonagetše go tla ba kudu, go se hlaologanyege, gore Modimo o be a tla kgopela Abraham go fediša morwa wa gagwe a nnoši. Eupša, ka morago ga yona bjale, re bona

seswantšho se A bego a se penta; Modimo a efa Morwa wa Gagwe a nnoši.

<sup>74</sup> Abraham o be a sa nyake go botša mme, ka nneta, e be e tla roba pelo ya gagwe. O rwešitše dimoula tsoko disala, gomme a tsea bahlanka ba se bakae, gomme a otlela go ya thabeng.

<sup>75</sup> Ke no rata karolo ye mo. Morago o fihlile godimo mo thaba e bego e le gona, gomme a re go mohlanka, “Letang fa bjale, ge mošeman le nna re eya mošola go rapela. Gomme mošeman le nna re tla bowa.”

<sup>76</sup> O ya go bowa bjang, ge a be a eya go mmolaya? Eupša Abraham o tsebile se, gore, “O mo amogetše ka seswantšho, bjalo ka yo a tšwago bahung, gomme Modimo o be a kgona go mo tsoša go tšwa bahung.” Modimo o be a tla dira tsela ya go phonyokga, ka tsela ye nngwe. Ka fao, o be a sa tsebe. Modimo o mmoditše, mo tsee gomme o mmolaye, gomme seo e be e le selo sa gagwe se nnoši a bego a swanetše go se dira.

<sup>77</sup> “Letang fa. Mošeman le nna re tla ya kua go rapela, gomme mošeman le nna re tla bowa.”

<sup>78</sup> Hlokamelang, Isaka yo monnyane o topile dikgong, o ile go rotoga thaba. Tate, a hlahla; Isaka, ka morago, ka legong mokokotlong wa gagwe. E lebeleleng, seswantšho se sebotse sa mengwaga tsoko ye makgolo seswai moragwana, Modimo o etilepele Morwa wa Gagwe Mong godimo Khalibari, ka legong godimo ga mokokotlo wa Gagwe, bakeng sa sehlabelo. Seswantšho, Modimo a dira tsela ya go phonyokga.

<sup>79</sup> Bjale, gomme ge Abraham a fihla godimo ntlhoreng ya thaba, a kgokološtša maswika mmogo gomme a aga aletara, a bea legong fase; mohlankana yo monnyane o rile, “Tate?”

O rile, “Ke nna yo, morwa.”

<sup>80</sup> O rile, “Aletara še, gomme legong šele, eupša kwana e kae bakeng sa sehlabelo?”

<sup>81</sup> Gomme Abraham, ka segalontšu sa go roromela, o rile, “Modimo o tla neela kwana bakeng sa sehlabelo.” Lebelelang nakwana yela ya leswiswi. Efela, tumelo, ya go se otswafatšwe, ga se ya mo dumelele go se dumele Modimo. Hlokamelang. Oo, ke no lebelela kanegelo ye dinako tše dingwe le go lla ka lethabo.

<sup>82</sup> Abraham o tlemile seatla sa morwa wa gagwe mong, a mmea godimo ga aletara; o gogile thipa go tloga lepateng la gagwe, gomme o be a le komana go tsea bophelo bja morwa wa gagwe, ka gore Modimo o mmoditše go dira bjalo.

<sup>83</sup> Gomme ka nako yeo, Segolontšu sa goelela go tšwa Legodimong, sa re, “Abraham, emiša seatla sa gago!” Gomme ge Moya wo Mokgethwa o swere seatla sa gagwe, o rile, “Ke a bona gore ga se wa ntima morwa wa gago mong. Ke a tseba o a Nthata.”

<sup>84</sup> Gomme e ka ba ka nako yeo, se sengwe se thoma go lla godimo ka lešokeng, se swerwe godimo kua, gomme go be go le kgapa ye nnyane. Modimo o file sehlabelo.

<sup>85</sup> Šetšang, “kgapa.” E be e swanetše go ba nku, ye tona, kgapa. Sekai sa Kriste, Yo a bego a tla tsea lefelo la lehu. Go na le Sehlabelo se se filwego ke Modimo. Gomme Abraham o neetše sehlabelo legatong la Isaka. A seswantšho se sebotse bjale! Hlokamelang, Modimo ka mehla o dirile tsela. O tla dira tsela, bošegong bjo, bakeng sa yo mongwe le yo mongwe wa lena.

<sup>86</sup> Gomme Israele, ge ba be ba le tlase ka Egepeta, ba be ba le ditlemong le bothateng, gomme ba thoma go llela Modimo bakeng sa tokologo. Hlokamelang, ka tsela ye Modimo a tlago go fa ke ge re le ka go Lentšu la Modimo. Israele e bile le Lentšu la Modimo leo ba bego ba eya ka ntle ga fale, letšatši le lengwe. Kafao, ba ile go llela Modimo, go ya ka thato ya Modimo, bakeng sa Modimo go fa se A tshepišitšego go se dira.

<sup>87</sup> Ke lena bao. O rapelela se sengwe seo se tšwago go thato ya Modimo, o ka se be le tumelo bakeng sa sona. Eupša ge Modimo a tshepiša e ka ba eng, ke a dumela gore O tla boloka Lentšu la Gagwe. Kafao, ba tsebile.

<sup>88</sup> Ke ka baka leo Abraham a tsebilego gore Modimo o be a eya go mo lokolla, ka mokgwa wo mongwe, gobane O be a tshepišitše gore ka Isaka, ditšhaba tšohle ka lefaseng di tla šegofatšwa.

<sup>89</sup> Bana ba Israele, tlase ka Egepeta, ba tsebile Modimo o be a ba tshepišitše khunologo, kafao ba ile go rapela bakeng sa tshepišo.

<sup>90</sup> O re, “Ngwanešu Branham, ge ke tsebile phodišo Kgethwa, gore Modimo o e tshepišitše!”

<sup>91</sup> Go lokile, a re e tšeeng nakwana feela, Jakobo 5:14. Ge go se na le lesolo la phodišo ka toropongkgolo felotsoko, o rile, “Ge go na le e ka ba mang magareng ga lena, a babjago, a nke a bitše bagolo ba kereke; ba ba tlotše ka oli, gomme ba ba rapele godimo ga bona. Thapelo ya tumelo e tla phološa molwetši.” Leo ke Lentšu la Modimo, tsela ye e filwego ke Modimo. Yeo ke nnete.

<sup>92</sup> Hlokamelang ge Israele e thoma go lla. Modimo o thoma go kwa, gomme o file tsela ya go phonyokga; o rometše Moshe go bona. Go be go tlaba bjang, ka morago ga go llela khunologo; gomme ge khunologo e tlišitšwe go bona, ba šitwa go e lemoga, gomme ba e ganne, gomme ba ile ba swanelwa ke go tlaišega mengwaga ye masomenne gape.

<sup>93</sup> A seo ga se mohuta wa lehono? Modimo o tla le tlišetša se sengwe, gomme le tla se boifa.

<sup>94</sup> Modimo o rometše Moya wo Mokgethwa go lena batho ba le bego le sa rate kereke yohle ye female ye, mabodumedi a metlwae. Modimo o le rometše Moya wo Mokgethwa; dihlopha tše kgolo tša bona di a O boifa.

<sup>95</sup> Barutiwa ba be ba le kgauswi le go nwelela, bošego bjo bongwe, ka sekepeng se sennyane, gomme se tšokatšoka go dikologa ntle lewatleng, gomme ba be ba llela thušo. Gomme ge ba bone Monna a nnoši yo a kgonnego go emiša maphotho, a etla, ba be ba Mmoifa le go nagana O be a le sepoko. Kholofelo e nnoši ba bilego le yona; ba be ba E boifa.

<sup>96</sup> Go na le banna le basadi ba dutše mo bošegong bjo, ka kankere, bothata bja pelo, malwetši a kotsi, ntle le pelaelo. Gomme kholofelo e nnoši yeo o nago le yona... morago ga ge ngaka ya gago a dirile—a dirile tšohle a kgonago go di dira. O no ba o tšhogile go obeletša ntle le go Mo tshepa.

<sup>97</sup> O se ke wa boifa. Tsea Lentšu la Gagwe. Ema thwi ntle kua. Ke tsela ye e filwego ke Modimo bakeng sa gago. Modimo o go rometše fa, bošegong bjo, bakeng sa morero woo. Yena ga se nke a go romela fa, bošegong bjo, go nna go go rapelela. O go rometše mo, bošegong bjo, go amogela tsela ya Gagwe ye e filwego, Jesu Kriste Sehlabelo sa go boelanya bakeng sa sebe le bolwetši. Ke a holofela le a e hwetša.

<sup>98</sup> Hlokamelang, ba lletše khunologo. Modimo o ba rometše khunologo. Ba ile ba swanelwa ke go leta mengwaga ye masomenne gape go e amogela.

<sup>99</sup> Ka lešokeng, Modimo o tshepišitše O tla fa se sengwe le se sengwe ba bego ba se hloka. Ba feletšwe ke borotho. Gomme Jehofa-Jireh wa go swana, "Modimo o tla neela sehlabelo," go Abraham; mengwaga ye makgolonne moragwana, e be e sa le Jehofa-Jireh, go fa se sengwe le se sengwe seo bana ba Gagwe ba bego ba se hloka.

<sup>100</sup> Še yona. Ke e nyaka e eya botebongtebong ka lehlakoreng la nngele, ka tlase ga kgopo ya bohlano. Theetšang. O sa le Jehofa-jireh, sehlabelo se se filwego sa Morena. Le amoge. O se ke wa no leka go le fa mabaka. O se ke wa leka go fa mabaka; o ka se kgone go fa mabaka. Ditsela tša Modimo di feta go kwešišwa. Ga o fe Modimo mabaka. Ga o Mo tsebe ka tsebo. Ga o Mo tsebe ka thuto. O Mo tseba ka selo se tee feela, tumelo. O ka se kgone go fa mabaka. Ga go hlaologanyege go dumela gore o ka e fa mabaka. O ka se kgone. O no swanela go e amogela.

<sup>101</sup> Hlokamelang, gape, ka go ye kgolo ye, nako ye tona. Ba feletšwe ke borotho. Ba ya go dira eng? Ge Modimo a ba boditše ba be ba eya nageng ya tshepišo, go tšwa go Modimo go ba hlokamelang go fihla ba goroga kua. Gomme yena Jehofa-Jireh o be a le thwi le bona. Gomme ka gona ge ba feletšwe ke borotho, Jehofa-Jireh o file tsela ya borotho, tsela yohle go kgabola lešoka. Mana a nele go tšwa legodimong.

<sup>102</sup> Ba feletšwe ke meetse. Mohola wa go tshwenyega ke eng? Jehofa-Jireh, sehlabelo se se filwego sa Morena, se be se le thwi le bona. Gomme o iteile leswika. Gomme ba boletše le lona, go tloga nako yeo go ya pele, gomme meetse a tla ka bontši. A noša

dikgomo tšohle tša bona, dikete tša dikalone ka motsotswana, di tšhologa go tšwa leswikeng ka leganateng la go oma. Go se hlaologanyege, a ga se yona? Eupša Modimo o file. Ga o fe lebaka ka fao A e dirago. O no e dira gobane O rile O tla dira.

<sup>103</sup> Molwetši a ka kgona bjang, a robetše, a ehwa ka kankere, dingaka tše kaonekaone di bolela gore ga go kholofelo le gatee, ba ka kgona bjang go fola? Ga e hlaologanyege. Eupša Yena ke Jehofa-Jireh, sehlabelo se se filwego ke Morena. Go botse bjang!

<sup>104</sup> Letšatši le lengwe, ba na le bolwetši ka kampeng. Ba be ba se na le, go molaleng, go se dihlare le dikalafi. Go be go le eng... Moshe ntle kua le sehlapha sela sohle sa batho, e ka ba milione tše pedi tša bona, batšofe le baswa, le balwetši le bohole; ge ba etla ka ntla ga lešoka, fao go be go se mofokodi magareng ga bona. Eupša bjale hlokamelang ge ba be ba le ntle fale, gomme ba dirile sebe, gomme dinoga di thoma go ba loma, go be go se selo ba ka kgonago go se dira. Gomme Modimo, gomme ge yena Moshe a bolela le Yena, o file poelano; o boditše Moshe, "Eya o hwetše seripa sa mphiri. Dira sephente go tšwa go ona, gomme o e bee godimo ga kota. Gomme go tla tla go phethega, mang le mang a tla lebelelago sephente ye o tla fodišwa."

<sup>105</sup> Sekai se sebotse, gape. Mphiri, sephente yonamong, e boletše ka sebe se šetše se ahlotšwe; Edene, ge Modimo a boletše kahlolo godimo ga sephente, e be e šetše e ahlotšwe.

<sup>106</sup> Mphiri o bolela ka kahlolo Kgethwa, godimo ga aletara ya mphiri moo mebele ya diphoofolo e bego e tshungwa. Ka morago ga ge madi a tšerwe; iri ye nngwe le ye nngwe ya senyane mosong, iri ya lesomepedi, le iri ya boraro morago ga sekgaleta, dikalone tša madi di be di tšhollelwa godimo ga aletara ye, godimo ga mebele ya diphoofolo tša go hwa, muši wo moso o be o rotoga. Mojuda yo mongwe le yo mongwe ka Palestina o be a wela maotong a gagwe, gomme diatla tša gagwe di lebile Legodimong; gomme, ge muši wola o rotogetše godimo, dithapelo tša gagwe di ile le ona. Go lokile. Kahlolo Kgethwa; mebele e be e eswa godimo ga aletara ya mphiri.

<sup>107</sup> Go no swana le ka Israele, ge Ahaba a dirile Israele gore e dire sebe. Gomme Eliya o ile ntla go lebelela mafaufau; mengwaga ye meraro le dikgwedi tše tshela, go se pula. O rile, "Go lebega boka mphiri," kahlolo Kgethwa.

<sup>108</sup> Ka go Kutollo, ge ba bone Jesu, ka go Kutollo 1, "Maoto a Gagwe a be a lebega boka mphiri," kahlolo Kgethwa.

<sup>109</sup> Sephente e boletše ka kahlolo Kgethwa, gomme go thabiša Modimo. Dikahlolo tša Gagwe ke tše Kgethwa. Gomme, ka gona, kota e be e emela sefapano. Gomme sephente e emetše Jesu, Morena Jesu wa go ratega; O tlide fase gomme a dirwa sebe. Modimo ka Boyena o ikutolotše ka Boyena ka mmeleng, a dirilwe bjalo ka nama ya sebe, go tloša bolwetši le sebe go tloga lefaseng. Go botse bjang! Ka kua O dirile tsela. Jesu o rile, "Bjalo ka ge

Moshe a phagamišitše sephente ya mphiri ka lešokeng, Morwa wa motho o swanetše go phagamišetšwe godimo bjalo.”

<sup>110</sup> Bjale sephente ya mphiri e phagamišeditšwe eng godimo? Lebaka la go menagana. Ba dirile sebe gomme ba babja. Bjale, ka gona, Jesu o ile a phagamišetšwa godimo, “a gobatšwa ka baka la dikarogo tša rena; ka megogoma ya Gagwe re a fodišwa,” lebaka la go menagana. Gomme e sa no ba kgonthe, bošegong bjo, go Kriste go fodiša balwetši, bjalo ka ge go le go phološa badiradibe.

<sup>111</sup> Mohlolo wo montši go Yena go phološa modiradibe; O swanetše go fetola ditsela tša gagwe. Gomme, ka nnete, ka morago ga ge a šetše a fetogile, o be a tla tseba mokgwa wa go dumela Modimo bakeng sa phodišo ya gagwe. Le bona se ke se rago?

<sup>112</sup> Seswantšho se sengwe se sebotse, ka pela, ke diregile go nagana, ka go Puku ya Ruthe. Ba bantši ba lena ba kitima ka godimo ga Puku yeo; le se ke la nagana, le sa nagane gore ke eng. Yeo ke ye nngwe ya dikanegelo tše kgolokgolo ka fale, tša go kaya Kriste, ka go Testamente ya Kgale yohle.

<sup>113</sup> Ka go tema ya 1 ya—ya Puku ya Ruthe. Naomi, lentšu *Naomi*, le ra gore “kgahliša.” Yena, monnamogatša wa gagwe, le barwa ba gagwe ba babedi, ba tlogetše Palestina, sekai sa kereke. Gomme ba tlogetše Palestina, ba ile godimo ka nageng ya Moaba. Gomme fale ba dirile legae, ka ntle ga nagalegae. Seo ke sekai sa go kgeloga, bjalo ka ge Israele e dirile. Mojuda e ka ba mang yo a tlogetšego Palestina o be a le ka ntle ga thato ya Morena. Modimo o file Palestina go Bajuda, gomme o rile, “Dulang fale.” Gomme Ruthe o ile ntle . . . goba, e sego Ruthe, eupša Naomi.

<sup>114</sup> Gomme barwa ba gagwe ba babedi ba nyetše. Gomme banna bohole ba hwile; monnamogatša wa gagwe le barwa ba babedi. O thomile go boela morago go legae la gagwe. Dingwetši tša gagwe di ile karolo ya tsela le yena. Yo mongwe wa bona o phagamišitše mahlo a gagwe gomme o lebeletše morago ka go nagalegae ya gagwe; o ile morago. Eupša Ruthe, Momoaba, o be a ka se ye. O ratile mmatswalagwe.

<sup>115</sup> O rile, “Eya morago go batho ba geno mong. Ke tšofetše. Gomme ge nka ba le bana ba bantši, gobaneng, . . .” Le tseba melao, gore ka fao e bego e swanetše go ba ka go ona matšatši, lena baithuti ba Beibele. O rile, “Ge nka ba le ngwana, go tla ba . . . o tla be o tšofetše kudu bakeng sa lona ge le gola. Kafao eya morago, gomme o ka nyalwagape.” Oo, ke rata se.

<sup>116</sup> Naomi, bjale, seswantšho sa kereke ya Bajuda. Ruth, seswantšho sa Kereke ya Bantle. Hlokomelang. Gomme bjale, šo o tla morago, le a bona.

<sup>117</sup> Ruth, ka go ba Montle, morapedi wa mohetene, o ile a lebelela morago gomme a re, “Ke tla ya le wena. Moo o phelago, ke tla phela. Moo o hwago, ke tla hwa. Moo o bolokelwago, ke

tla bolokwa. A nke Modimo wa gago a be Modimo wa ka.” Yeo ke Kereke ya Bantle e amogela phološo ka Jesu Kriste Morena wa rena. Hlokamelang seswantšho se sebotse! Gomme bjale ke duma ge nkabe re na le nako.

<sup>118</sup> Tema ya 2, ka go Ruthe, e utolla nako ya gagwe go bowa, ge a etla morago feela ka nako ya puno, sehla sa bali. Gomme ge a bone, o lebeletše mošola wa nagalegae, o llile, “A nno hlologela go tsena ka Palestina!” Le a bona, ba be ba lla ge ba bone nagalegae.

<sup>119</sup> Bajuda bale, ka dikete, ba tšhologela ka Palestina. Yeo ke tšhupamabaka ya letšatši, ngwanešu.

<sup>120</sup> Ke a le botša, re phela bofelong bja tsela. Ke be nka se tlabege nthatana gore go ne batho ba bantsi ba dutšego fa, ka go botšofadi, ba tla bona nako mo go ka se bego letlapa le tee le tlogetšwego godimo ga le lengwe, ka Louisville, Kentucky. Seo se ka no ba ka go ngwaga wo mongwe. Ga ke tsebe; le se re ke boletše ngwaga. Ga ke tsebe; ga go yo a dirago. Eupša re bofelong bja tsela. Ke tseba seo. Dipomo tšela tša haetrotšene le dilo di komana go thuthupa, nako efe kapa efe.

<sup>121</sup> Bajuda ba ya morago Jerusalema. Gomme naledi ya dintlha tše tshela ya Dafida, folaga ya kgalekgale lefaseng, e phaphasela godimo ga Jerusalema, lekga la mathomo lebakeng la mengwaga ye dikete tše pedi. Leswao la nako!

<sup>122</sup> Gomme, hlokamelang, feela bjalo ka Naomi, yo a lahlegetšwego ke se sengwe le se sengwe a bilego le sona, gomme o be a bowa morago feela ka go sehla sa bali.

<sup>123</sup> Gomme Palestina, lehono, e ba go khukhuša boka rosa. Tše dingwe tša dilo tše kgolokgolo di a hwetšwa, mahumo a dinaga tšohle ka lefaseng; dikhemikhale, di hwetšwa ka go Lewatle le le Hwilego, tša boleng bja godimodimo. Palestina, naga ye kgolokgolo ya swiri; diswiri tše di ka elago diponto tše tlhano seripa, go nyakile, di bjålwa kua. Naganang ka yona, tšohle go phethagatša Lentšu le Lekgethwa la Modimo! Go ya gae, Bajuda, ba boela ka sehla sa bali!

<sup>124</sup> O phagamišeditše diatla tša gagwe godimo gomme a lla. Gomme ba rile, “Naomi šo o a tla.”

<sup>125</sup> O rile, “Le se mpitše Naomi, gobane Modimo o mekamekane le nna gampe,” a sa tsebe se a bego a se tliša le yena. Bonnyane Mojuda ga a tseba gore go gana Jesu ga gagwe go no fa Montle lefelo go tsena ka gare. Oo, ke no e rata. Hlokamelang, nako yeo, ge a phagamišitše mahlo a gagwe, gomme o llile.

<sup>126</sup> Gomme hlokamelang, nako yeo ba ile ba swanelo go hwetša... Bohwa bjhohle bja gagwe bo be bo tšerwe go yena, kafao ba ile ba swanelo go iphediša. Ruthe, a le yo moswa, mosadi yo mobotse, o ile ntle ka mašemong a Boase, go budutša. Seo e be e le se babotlana ba bego ba se dira; bahloki.

<sup>127</sup> Ke nyaka le hlokomele sekai se Kereke e lego. Ke Kereke ya go hloka. Ruth, ka go ba sekai sa Monyalwa wa Montle bjale, o ile ntle ka morago ga babuni, go topa mahlaka a se makae a a bego a na le korong godimo ga lona; go le hlochlora ka mokgwa woo, ka mokotlaneng, bakeng sa go iphediša. A budutša, a se a rwala selo leotong, ka mašemong a Boase.

<sup>128</sup> Gomme Boase o be a le morena wa puno, a emetše Jesu Kriste Morwa wa Modimo, hlokamelang, Morena yo mogolo wa puno. Gomme o tlide ntle, go lebelela godimo ga mašemo a gagwe. O bone babudutši ntle kua; o bone babuni. Gomme ge a lahletše mahlo a gagwe go leba go Ruthe, o mo ratile; Kriste, le Kereke ya Gagwe.

O rile, “Ke mang mothepana yo yoo a budutšago ka tšhemong?” Ba rile, “Ruth. O mmušitše morago.”

<sup>129</sup> Kereke ya Bajuda, ka tlase ga tlhahlo ya Pilara ya Mollo, ka tlase ga tlhahlo ya Jehofa, e dirile tsela, ya Testamente ya Kgale, bakeng sa Mokriste wa Moya wo Mokgethwa wa ye Mpsha. O Mo tlišitše le bona. Oo, re bile le nako go khutša go se gannyane nthatana, hlokamelang, go tleng morago.

<sup>130</sup> Ka gona o rile, “Mo dire gore a tle godimo gomme a dule ka fase ga moriti, gomme a je tše dingwe tša dijo le rena.” Oo, ge re ka be re na le nako go bea kgatelelo ye e itšego godimo ga seo.

<sup>131</sup> Hlokamelang, nako yeo, Boase o lebelela godimo ga gagwe, o bone gore o be a le “mosadi wa bokwala.” Bjoo ka nnete e swanetše go ba e be e le *bokgethwa*. Kafao o sepetsé tikologong gomme o rile go babuni bohole, o rile, “Bjale, lena, ge mohumagadi yo moswa yo a etla ka morago ga lena,” e sego go mo dira a e tsebe, o rile, “eupša bjale ge a etla ka morago ga lena, gatee ka lebakana, ušang lehupa la tlaleletšo gore a kgone go le hwetša.” Oo, nna!

<sup>132</sup> Go ya go dikologa, go ba le kopano ye nnyane godimo *fa*, le kopano ya thapelo ya klothase, o segilwe, o dirilwe metlae ke ba bangwe, babuni ba bangwe. A topa lehlaka mo le mola, gomme a le ntšha mooko. Go hwetša tšhegofatšo ye nnyane *fa*, gomme a otlela dimaele tše masometlhano bakeng sa ye nngwe. Eupša ke leboga kudu bakeng sa ye kgolo ya go tlala seatla, gatee mo lebakaneng, Kereke ye nnyane ya go tswalwa gape e hwetša tsošeletšo ya fešene ya kgale, ya go tlala seatla.

<sup>133</sup> O topile le, ke a thankwa, gomme a re, “Šegofatša Morena.” O le ntšhitše mooko. Gomme nakong ya bošego o be a na le mokotla wa go tlala.

<sup>134</sup> Boase, a emela Kriste, o ya toropongkgolo, ka pela. O be a sa nyake mosetsana yo go tloga. O rile, “Ke wa mang?”

Ba rile, “Naomi.”

<sup>135</sup> Gomme kereke ya Orthodox ya Bajuda e tswetše Kereke ya Bantle. Yeo ke nnete.

O rile, “Ke yena mang?”

Ba rile, “Ke Naomi.” Kafao o ya . . .

<sup>136</sup> Ka gona o ya tlase. O rile, “Bjale, ke swanetše go lopolla tšohle tša lefa la gagwe.” Bjale, molao wa topollo, ka go Testamente ya Kgale, gore e swanetše go ba molopolodi wa lelokokgauswi. Mo—mo molao o nyakile, ga se motho e ka ba mang a ka kgonago go lopolla lefa le le lahlegilego, eupša e be e swanetše go ba yo mongwe yoo a bego a le wa leloko; gomme ka gona yo mongwe yo a bego a kgora go lopolla, a ne maswanedi go lekanelo go lopolla, a kgora ka mašeleng.

<sup>137</sup> Go botse bjang! Oo, nna! Kriste, wa maswanedi, wa maswanedi gabedi! Kgoši ya Legodimo, go boneng ye nnyane, Kereke ya go tlala ka Moya wo Mokgethwa, o ušitše go tlala seatla gannyane bjale le nako yeo.

<sup>138</sup> Hlokamelang, tsela e nnoši yeo Modimo a bego a ka kgora go lopolla, Modimo o ile a swanela go tla tlase le go dirwa wa leloko go rena. Modimo o be a le ka Moyeng. Modimo o tlie fase gomme a dirwa nama. “Modimo o be a le ka go Kriste, a boelanaya lefase go Yenamong.” Ka gona, gore a lopolle motho, O ile a swanela go ba motho, wa leloko. A le ka eleletša Bomodimo bo etla fase, bo dirirwa nama? Lerato!

<sup>139</sup> Na lesogana le tla dira eng bakeng sa monyalwa wa gagwe yo moswa yo a mo nyakago bakeng sa moratiwa? O foufetše. O tla dira e ka ba eng. Ee, mohlomphegi. O a mo nyaka. Ga se gona se ka mo thibelago; o ya go ba le yena.

<sup>140</sup> Yeo ke tsela ye Modimo a dirilego ge A bone Kereke. O Moratilie. Ga go selo se bego se eya go ema. O be a loketše go fa bophelo bja Gagwe, gomme Modimo a sepelela fase ka mmeleng wa nama. Ya maswanedi, Kgoši ya Legodimo, e dirilwe wa leloko. Ka gona, Modimo, morago ga ge A tlie ka nameng, ka go Jesu Kriste, o bile Molopolodi wa lelokokgauswi.

<sup>141</sup> Šetšang Boase. Bjale, pele ga ge a be a ka mo hwetša, o ile a swanela go botšiša ge eba go be go le e ka ba mang, wa lelokokgauswi wa kgauši yo a bego a ka kgora go e tšea, go mo tšea. Kafao gore . . . Go be go se yo motee a bego a ka kgora go e dira, ka fao nako yeo o be a swanetše go dira bopaki bja phatlalatša pele ga Israele, gore o be a lopolotše Naomi. Gomme o lopolotše Naomi, gore a hwetše Ruthe. Oo, nna!

<sup>142</sup> “O tlie go ba Gagwe mong, gomme ba Gagwe ga se ba Mo amogela.” Eupša o ile a swanela go lopolla Naomi, go hwetša Ruthe. Le a bona? Oo, a seswantšho se sebotse! Mpotšeng Lentšu la Modimo ga se la šušumetšwa? Nthathana ye nngwe le ye nngwe ya Lona, e bolela ka go Tla!

Gomme Ruthe, bjale o letile.

<sup>143</sup> Gomme Boase, kgoši ya puno, goba morena wa puno, o ya ka ntlo ga dikgoro, gomme o bitša bagolo bohole ba toropokgolo;

gomme o dirile bopaki bja phatlalatša, ka ntle ga kgoro. O rile, “Le a bona, lena batho bohle!” O rotše seeta sa gagwe, a se raga pele ga bona, bjalo ka bopaki. O rile, “Nna, letšatši le, ke lopolotše bohwa bjhohle bja Naomi bjo bo lahlegilego. Gomme dithoto tšohle tša gagwe ke tša ka, letšatši le.” Oo, nna!

<sup>144</sup> Ebang komana, še yona. Oo, ke no ikwela se sengwe se sepela. Hlokamelang, Kriste, pele ga bagolo ba Israele, a etellwa pele go ya ka ntle ga dikgoro tša toropokgolo, gomme a dira bopaki. “O gobaditšwe ka baka la dikarogo tša rena; ka megogoma ya Gagwe re fodišitšwe.” Bopaki bja phatlalatša, O lopolotše Kereke go tšwa go (eng?) lefa la gagwe le le lahlegilego. Ka serapeng sa Edene, re be re se ne bolwetši e ka ba bofe; serapa sa Edene, re be re se ne sebe; serapa sa Edene, re be re se ne lehu. “Gomme Modimo o ratile lefase gakaakang, O neetsē Morwamotswalanoši wa Gagwe,” o dirile bopaki ka ntle ga kgoro, gore O be a file tsela ya go phonyokga bakeng sa bohle ba bego ba nyaka go tla. A seswantšho se sebotse! Ke a holofela le kgona go se bona. Bjale Morena a šegofatšwe!

Gomme ka ge ke bona, mohlomongwe, nako ya ka e a tšhaba.

<sup>145</sup> Modimo a dira tsela ye e filwego, gomme O e dirile ka go Jesu Kriste. Ge Jesu a ile godimo thabeng ya Golgotha, a gobaditšwe, a etšwa madi, sefapano se goga dikgato tša madi ge A be a namela thaba. O ile godimo kua; bopaki bja phatlalatša, “O gobaditšwe ka baka la dikarogo tša rena; ka megogoma ya Gagwe re fodišitšwe.” O hwile, a rotogela Godimo. Le a e dumela? Gomme o rometše morago dimpho tša semoya go Kereke, go dira tsela ye e filwego. Gomme thabo ye re nago le yona ka dipelong tša rena bjale, ke feela peeletšo, tšhelete ya tiišetšo, go se e tla bago ge re lopolotšwe ka bottlalo. Gomme phodišo Kgethwa ye re nago le yona bjale ke tiišetšo go topollo ya rena ya mmele wa rena. Re lopolotšwe. Modimo o dirile Sehlabelo se se filwego.

<sup>146</sup> Ke swanetše go ema, bagwera, gobane batho ba a emeleta le go ya ka ntle.

<sup>147</sup> Ke rile go mosadimogatša wa ka, letšatši le lengwe, “Ke rerile ka gare ka yona, ga ke tsebe ke ditšhaba tše kae tša go fapano, ka toropongkgolo ye nngwe le ye nngwe go kgabola United States. Gomme Louisville, Kentucky ke lefelo le nnoši leo batho ba kilego ba tsoga le go ya ntle ge ke be ke rera.” Yeo ke nneta, gae, le a bona, lefelo le nnoši nkilego ka e bona.

<sup>148</sup> Ge e ka ba mang a lemogile seo, seo se bilego ka go dikopano tše dingwe le nna, phagamišang diatla tša lena, godimo ga moago. Kgontha.

<sup>149</sup> Tikologong, mogohle gape, gomme ga se nke ka ba le yona e ka ba kae bophelong bja ka eupša gagešo, Louisville, Kentucky. Batho ba ya thwi godimo le go ya ntle, ge o eya go bea Ebangedi thwi mothalong wa go matlola. Ba tla e dira. Gomme ga se nke ka ke ka ba le yona e ka ba kae gape, e ka ba kae ka lefaseng, nkilego

ka ba; le go Afrika, mafelo a mangwe ohle, Sweden, Norway, fao dikete tše masome di dutšego. Ka go kgopolو ya ka ya go kokobela, ga se nke le nako e tee ka hlatsela motho o tee a sepela, a emeleta le go ya ntle, ge ke sa rera; feela thwi fa.

<sup>150</sup> Le a bona, bagwera, beke ye ke lwele thata go leka go kgodiša ba bangwe ba batho, gore . . .

<sup>151</sup> Mantšu a Jesu Kriste, ga go kgathale se Le lego, a swanetše go rereša. O rile, "Moprefeta ga a hloke tlhompho ntle le magareng ga batho ba gabو, naga ya gabо mong." Gomme yeo ke nnete tlwa. Ba no se Le amoge. Ga ke tsebe gobaneng. Jesu o boletše bjalo, gomme seo se a e ruma. Ke na le batho go dikologa naga ye, go nyakile ba ba ka ratago go nkhwela. Ba a nthata. Eupša ka go maswaro a kakaretšo, ke Lentšu la Modimo; gomme Modimo o swanetše go boloka Lentšu la Gagwe, gore a be Modimo. Yeo ke nnete.

<sup>152</sup> Gomme e ka ba mang yo a bilego ka dikopanong pele, ka ntle ga mo, re bile le maswao a mannyannyane le mehlolo yeo e dirilwego ka go kopano e ka ba efe nkilego ka e bona ya botelele bjo—bjo. Ka mehla go na le difofu, difoa, dimuma, digole, le se sengwe le se sengwe, ditulo tša bagolofadi di pakelane sekhutlong, gomme batho ba eya mafelong, le mepete le maako.

<sup>153</sup> Gomme fao go feela, bokgole bjo ke tsebago, fao go bile batho ba babedi ba dutše mo. Ke bone yo mongwe wa bona, pele, mošemane yo fa, a dutšego fale. Ke bone Moya wo Mokgethwa o eme godimo ga gagwe bošego bjo bongwe, o etla kgauswi kudu. . . Nka be ke boletše phodiša ya gagwe, gomme feela ge ke. . . pele ke fetša go rera; eupša ke O bone o wela morago kgole go tloga go yena, o thoma. . . Se sengwe se kgabagantše lefelo la gagwe kua, le go O tloša go yena. Ke motho a nnoši yo ke mmonego le go tlaišega ka tsela efe kapa efe, ka ntle ga batho ba mmalwa ba difoa, goba se sengwe se etla sefaleng, ba mpoditše ka ga sona. Ga ke tsebe. Eupša ke lena bao. Ke gae. Ke tikologong ya batho ba geno.

<sup>154</sup> Bjale, go mogwera wa ka wa go loka, Mna. McSpaddin, Mna. McDowell, le bao ba dutšego ka moagong, bošegong bjo, ba ke lekilego go bolela se go bona. Gomme lena batho ka Jeffersonville, go tšwa tabarenekeleng, a le bona se ke bolelago ka sona? O ka se kgone go fetola Lentšu la Modimo. Le tla ba ka tsela yeo go ya go ile, gobane Jesu o boletše bjalo.

<sup>155</sup> Bjale, gomme go batho ba ba bego ba nkogopela go tla morago tabarenekeleng, a le bona gobaneng? Moo go molaleng go bego go le batho ba masometlhano ba pholosítšwego beke ye, tikologong mo, ka tsošeletšong; mohlomongwe e sego bontši bjoo, mohlomongwe e sego lesome, go bohole ke ba tsebago. Moo, ka setlwae, ka matšatšing a seswai, e tla aga ka go makgolo le makgolo le makgolo, felotsoko gape. Le a bona? Le bona phapano? Ke gae. E magareng ga batho ba geno.

<sup>156</sup> E sego ka gobane ga ba nthate, eupša ka gobane Jesu o boletše bjalo. “Gomme ge A ile go batho ba Gagwe Mong, selo se nnoši A kgonnego go se dira e bile go bea diatla go magagešo a se makae a go babja le go ba fodiša; ga go mediro ye maatla A kgonnego go e dira.” A yeo ke nnene? Ke go tsopola Lengwalo. Gomme yeo ke tsela ye e swanetšego go ba. Yeo ke nnene. Ga se nna, morago ga tšohle. Ke Yena. E no ba Yena. Ge nkabe ke be ke le mofodiši... .

<sup>157</sup> Ke na le ngwanešu o robetše ka sepetele, bošegong bjo, yo Modimo a mpontšhitšego, ngwaga wa go feta. Gomme ke a thanka go ne dihlatse tše makgolopedi thwi fa, tša mošemane yo mokaone le go phelega. Eupša Modimo o rometše pono gomme o rile, “O a sepela.” Gomme ga go kgathale se se diregago, o a ya.

<sup>158</sup> Ngaka o rile, e sego kgale kudu, “Re ka kgona go mo pholosa.” Eupša ga se ba ke, gomme ba ka se ke.

<sup>159</sup> Ke bone Moya wo Mokgethwa o etla, o bontšha pono, gomme o marakile lebitla la gagwe, gomme o rile, “Yena ke wa go latela.” Gomme yeo ke tsela ye e tla bago. Ke ba bakae ba nkwelego ke bolela seo, nako ye telele, ye telele, ye telele ya go feta? Phagamišang diatla tša lena. Yeo ke nnene, ge mošemane a be a le yo mogolo, yo mokoto, le go phelega. O swanetše go no sepela. Yeo ke phetho. Bjang? Ge nkabe ke be ke le mofodiši, ke be ke tla mo fodiša. Yoo ke wa ka mong, ngwanešu wa ka mong.

<sup>160</sup> Eupša ge Modimo a boletše, Modimo o tla boloka Lentšu la Gagwe. Gomme ke ka lebaka leo ke tsebago eng, O RIALO MORENA. Ke tla hwa ka Lona, ka gore Ke Lentšu la Modimo gomme O tla Le boloka. O file Tsela, gomme ke thakgetše go E amogela bošegong bjo, Morena Jesu Kriste. A ga le? [Phuthego e re, “Amene.”—Mor.] A nke ditšhegofatšo tša Gagwe tša Gosafelego di khutše godimo ga lena.

<sup>161</sup> Gomme gape ke re, Sehlabelo se se filwego ke Modimo, bošegong bjo, tsela ya go phonyokga, ke ka Jesu Kriste. [Lefelo la go se be le selo godimo ga theipi—Mor.] Ka gona, Jesu Kriste o file kereke bakeng sa basedumele, gore ba kgone go tla ka gare le go bona ponagalo ya tsogo ya Gagwe, le go tseba ka godimo ga moriti wa pelaelo gore O tsogile go tšwa bahung. Jesu o tsogile go tšwa bahung, a dira tsela ye e filwego, gobane mang le mang a ratago a ka lebelela le go phela. Eupša ge o gana go lebelela, o ka kgona bjang go dira e ka ba eng eupša go hwa? Jesu o rile, “Ge le sa dumele gore Ke nna Yena, le tla hwela sebeng sa lena.” Yeo ke therešo.

<sup>162</sup> Bagwera, ka mehla ke lekile go boloka tsepamo ya tsela. O ya kgole ka go bofomale, feela fomale le ditirelotlwaelo ka mo ba kgonago go ba, batho ba ngaparela bakeng sa bontši bjoo. Ka gona ge o sa hlokomele, o tla ya thwi godimo ka lehlakoreng le lengwe, gomme wa no ba lehlanya ka mo o kgonago go ba. Eupša go ne bogare bja tsela, moo ya therešo, ya go hlaka, Ebangedi

ya go hlamatsegā e rerwago, gomme Modimo o tsena ka fale, a hlatsela Therešo. “Kgoro ke ya tselameetse, gomme tsela ke ye tshese, eupša ke ba ba sego nene ba ba tlago go e hwetša.” Go lokile.

<sup>163</sup> Go lena sehlopha se sennyane sa batho fa bošegong bjo, le dutšego fa, a nke lerato la Modimo le le ukamele bošegong bjo. Gomme gagolo balwetši, bahloki, ke a rapela gore go ka se be le o tee wa lena eupša yo a tla yago gae a fodile. Ge nkabe ke kgona go dira e ka ba eng ka yona, ke be ke tla e dira ka lethabō; eupša nka se kgone go e dira. Selo se nnoši nka kgonago go se dira ke go Mo emela go lena, ka tsela ya mpho ye Kgethwa.

<sup>164</sup> Bjale ge eba ke bolela Therešo, gore Modimo o file Sehlabeledo; gomme Sehlabeledo seo, Jehofa-Jireh, e be e le Jesu Kriste. Gomme ohle mainagokwa a šupago, maina a topollo a letše ka go Jesu Kriste. *Jehofa-jireh*, “sehlabeledo se se filwego sa Morena.” *Jehofarapha*, “Morena yo a fodišago malwetši a lena.” Gomme *Jehofa*-... “sefoka.” Gomme—gomme ohle a mangwe, maina a šupago a mainagokwa, ohle a be a le ka go Kriste Jesu. Gomme fao ke moo dikai tšohle le meriti, tša Testamente ya Kgale, tšohle di tlago le go kopana ka go Jesu Kriste. O lefile poreisi ya godimo, a rotogela Godimo, gomme a romela Moya wo Mokgethwa morago, bošegong bjo, e lego tsela ye e filwego ke Modimo ya go phonyokga ga gago.

<sup>165</sup> [Ga go selo go theipi—Mor.]...re bile le nako go ya ka go yona.

<sup>166</sup> Ke kgona go bona banna ba bohlale ba laiša dikamela tša bona, ka pelapela. “O ya kae, hani?” go bolela mosadimogatša.

<sup>167</sup> “Ke ya go bona Kgoši ye mpsha ye e tswetšwego, kgole ka Palestina.”

“Gabotse, ebole ga se o tsee khampahase ya gago.” O rile, “Ga ke hloke khampahase e ka ba efe.”

<sup>168</sup> “O ya bjang go kgabola maganata, le meedi, le dithaba, ntle le khampahase?”

<sup>169</sup> O šupile godimo go Naledi, o rile, “Ke ya ka tsela ye e filwego ke Modimo.” Naledi e mo etilepele thwi go otlologa go ya go Jesu.

<sup>170</sup> Gomme theetšang, pele re tswalela. Modimo o ne tsela ye e filwego fa bošegong bjo; e sego ka kereke, e sego ka thutamodimo. Eupša ka Moya wo Mokgethwa, o tla go hlahllela go tsela ye e filwego ke Modimo ya tlhwekišo ya gago, phodišo ya mmele wa gago, kolobetšo ya Moya wo Mokgethwa, go ya thabong, khutšong, le se sengwe le se sengwe o se hlokago. Jesu Kriste ke sehlabeledo se se filwego ke Modimo.

<sup>171</sup> Gomme ke bolela gore O tsogile go tšwa bahung, a rotogela Godimo, o rometše morago Moya wo Mokgethwa bjalo ka tsela ye e filwego ke Modimo go etapele Kereke. O rile, “A ka se bolele ka Boyena, eupša O tla paka ka Nna,” Jesu o boletše. “Gomme ge

A etla, O tla tliša dilo tše kelellong ya lena, gomme o tla le laetša dilo tše di tlago. Ka gore dilo tše Ke di dirago le tla di dira le lena. Lefase le ka se e bone, eupša le tla e bona. Ke tla ba le lena, le ka go lena, go fihla bofelong bja lebaka.”

<sup>172</sup> O kweng, Louisville, Molaetša wa ka wa mafelelo go lena! Sehlabelo se se filwego ke Modimo ke Jesu Kriste, Yena a tsogilego fa a maatlafatša Kereke ka Moya wo Mokgethwa. Se ke Seetša. Sepelang ka go Sona, hwetšang khutšo go soulo ya lena, phodišo ya malwetši a lena.

A re ka rapela.

<sup>173</sup> Tate wa Legodimong, O Modimo, ge letšatši . . . Tlasetlase botebong bja soulo ya ka, ke a makala, bjalo ka ge ke diretšwe go makala, go boneng setšhaba se segolo se sebotse se sa Amerika, le go boneng dipomo tšela tše kgolo ntle fale di beilwe godimo go putla lewatle. Ba babe, banna ba go hloka modimo ba ganago Modimo, ba ganago Morena Jesu Kriste, Moya wo Mokgethwa, ka bobe bjhohle le go seleka, le didirišwa tše Sathane a ka kgonago go di kgoromeletša ka monaganong wa bona go senya lefase le, go dira feela tlwa boka O boletše le tla dira, “go le tshuma ka phišo.” Gomme le borasaense ba bagolo ba lefase ba re, “Mo mengwageng ye lesome go tla ba le phedišomoka ya go felela, ga go yo motee a šetšego, ga go selo se phelago lefaseng; le swietšwe go kgabaganya ka pomo ya haetrotšene.”

<sup>174</sup> O Modimo, banna le basadi ba ba dutšego mo, ba sego ba lokela bošegong bjo. O bile, beke ye, letago go rena. Re dutše ka mafelong a Magodimong ka go Kriste Jesu, gomme re a Go leboga bakeng sa bakgethwa baratwa ba ka Louisville. Modimo, a nke ba ye go tloga kopanong ye, ka segalontšu sa tshebotšo, go bohle go dikologa.

<sup>175</sup> Morategi Tate wa Legodimong, ke a rapela gore O tla romela yo mongwe ka fa ka tsošeletšo ya fešene ya kgale, yo a tla thubago maboto go dikologa Louisville. Oo, dira, Modimo. A nke baratwa ba bantsi ba tlišwe go tsebo ya go phološa ya Morena wa rena Jesu Kriste.

<sup>176</sup> Ke dirile bokaonekaone bja ka, Morena Jesu, tšohle ke tsebago mokgwa wa go di dira, go fa segalontšu kgahlanong le sebe thata ka fao ke tsebago bjang, gomme Wena o bile go feta letago go rena. O tiisitše Lentšu le lengwe le le lengwe ka maswao le matete. Re leboga Wena. Bjale, Tate, bakeng sa dipuelo, re e neela yohle go Wena. A nke thato ya Gago e dirwe.

<sup>177</sup> Šegofatša Ngwanešu Cauble, Morena, ngwanešu wa rena. Šegofatša bašomi bohle ba gagwe, le badiredi bohle ba bangwe. Re nagana ka yo monnyane Ngwanešu Durban, tlase fa, le banešu ba bangwe ba tikologong fa, ba ba lego baena ba bakaone; ba leka bokaonekaone bja bona go kokotela go kgahlanong le sebe le bobe, wisiki le go nwa, le go ya pele, le go kgobokana, goba se sengwe le se sengwe go dikologa toropokgolo. Ba leka go fa

segalontšu sa tshebotšo. Modimo, šegofatša bona banna le go ba tlotša ka Moya wo Mokgethwa. E fe, Morena. A nke ba be bahlokomedi ba babotse, ba na le katlego ye kgolo ya go bitša batho go tšwa leswiswing, go ya ka seetšeng se sebotsebotse.

<sup>178</sup> Gomme bjale, Morena, ka go tirelo ya go tswalela, bošegong bjo, a O ka se tle? Etsa feela gatee gape, Moya wo Mokgethwa wo mogolo, Maatla a Makgethwa, gomme o re apeše ka moriti ka tšegofatšo ya Gago. Gomme a nke Morongwa wa Modimo a eme fa mo sefaleng, bjalo ka hlatse ya tsogo ya Sehlabeled se se filwego sa Modimo, Morena Jesu Kriste. Gomme a nke A dire maswao a magolo le dimaka, ka tiišetšong ya Lentšu. Ka gore re e kgopela Leineng la Gagwe, Morwa moratwa wa Gago, Jesu Kriste. Amene.

<sup>179</sup> A nke Morena a go šegofatše, mogwera Mokriste. Bjale ke nyaka go rapelela balwetsi. Ke nyaka go le botšiša bjale, feela pele ga nako. A go ne motho o tee a lego gona ka moagong, yo a sego a phološwa, a sego a ke a tsoge le gabjale, ebile bontši go sokologa, a kgopela Kriste go lebalela dibe tša bona? Ke le botšiša molaleng, feela tsela ya makgwakgwa. Gomme ke a dumela gore o tla ba monna goba mosadi go lekanelia, goba mošemanne goba mosetsana, go e dira. Ge o se wa ke wa tsoge wa amogela Jesu bjalo ka Mophološi wa gago wa sebele, gomme o nyaka go e dira bjale, a o ka ema ka maoto a gago bjalo ka modummedi, gomme wa re, “Nna bjale, go tloga iring ye, ke tla ba modummedi ka go Jesu Kriste.” Modimo a go šegofatše, mohlomphegi. Modimo a go šegofatše, mohumagadi. Modimo a go šegofatše, mohumagadi. Modimo a go šegofatše, mohumagadi.

<sup>180</sup> O ipolela tumelo ya gago ka go Jesu Kriste, ge o dira se. E ka ba disoulo tše tlhano, di ka be di hwile metsotsa ye mehlano ya go feta, di ka be di ile ka gare ga Bokagosafelego bjo boso. Ge ba ehwa bjale, ba apešitšwe ke Madi.

<sup>181</sup> Yo motee gape, e kae? Thwi ka morago, Modimo a go šegofatše. Ee, ngwanešu wa ka. Modimo a go šegofatše, ngwanešu. Yoo, Modimo a go šegofatše. Modimo a go šegofatše, kgaetšedi. Yeo ke nnete. Feelia makgwakgwa a kgale... Modimo a go šegofatše, ngwanešu, go amogeleng Jesu. Modimo a go šegofatše, ngwanešu. Modimo a go šegofatše. Godimo ka bophagamong, felotsoko? Modimo a go šegofatše, kgaetšedi.

<sup>182</sup> Seo se a makatša. Oo, nna! Ke duma ge nkabe re na le kamora tsoko mo bakeng sa panka ya bagolodi ya fešene ya kgale le pitšo ya aletara. Seo ke se re se hlakago gonabjale.

<sup>183</sup> Ke ba bakae ka fa ba rego, “Ngwanešu Branham, ke bile modiradibe, eupša bjale ke a ipolela, ke amogela ka pelong ya ka, Jesu Kriste, sehlabeled se se filwego ke Modimo”? E ka ba tasene tše pedi di eme. A o tla ema le go re... Modimo a go šegofatše. Modimo a go šegofatše, lesogana. Seo se kaone.

Modimo a go šegofatše. Yo mongwe gape ema, gomme o re, "Bjale ke amogela Jesu Kriste gonabjale, bjalo ka Mophološi wa ka. Ke dira boipolelo bjo pepeneneng, pele ga batho le pele ga Modimo, gore bjale ke amogela kalafi ya Modimo bakeng sa sebe sa ka, Jesu Kriste." A go ka ba yo motee gape, godimo mo, kae kapa kae? Modimo a go šegofatše, lesogana. Bjoo ke bogale. Modimo a go šegofatše. Seo se kaone.

<sup>184</sup> Yo mongwe gape a tla emago, a re, "Bjale ke amogela Jesu Kriste bjalo ka Mophološi wa ka wa sebele, ke tšeа sehlabelo se se filwego sa Modimo bakeng sa sebe sa ka"? Modimo a go šegofatše, papa; monna wa go tšofala, hlogo ye pududu, a thothomelago, o phagamela godimo go amogela Jesu Kriste bjalo ka Mophološi.

<sup>185</sup> Bjale, Modimo o tseba pelo ya gago; O lebeletše thwi go wena. Modimo a go šegofatše, lesogana. Ke go bone fao, o apere sekhipa se sehubedu, o phagamela godimo. Go lokile, yo mongwe gape, phagama gomme o re, "Ke a amogela." Modimo a go šegofatše, le wena, mohumagadi le mošemane yo moswa godimo kua. Modimo a go šegofatše. A nke Modimo . . .

<sup>186</sup> Leina la gago le ya go Puku ya Kwana ya Bophelo ge o ema phatlalatša pele ga batheeletši ba. "Yo a tla Mpolelago pele ga batho, yena Ke tla mmolela pele ga Tate wa Ka' le Barongwa ba bakgethwa. Ge o lewa ke dihlong ka Nna mo pele ga batho, Ke tla go jelwa ke dihlong ka Letšatši leo."

<sup>187</sup> A o bile wa sebe, gomme o nyaka go lebalelwā? Motho e ka ba ofe yo mongwe yoo a sesogo a ema, gomme a nyakago go ema, go no amogela sehlabelo se se filwego ke Modimo bakeng sa sebe sa gago, a o tla ema? Ba bangwe . . . Modimo a go šegofatše. Modimo a go šegofatše. Leo ke lesole la mošemane. Modimo a go šegofatše godimo fa, le wena. Morena a be le wena, ngwanešu wa ka.

<sup>188</sup> A yo mongwe gape? Go lokile. Modimo a go šegofatše, mohumagadi. Modimo a go šegofatše, kgaetšedi. Seo se kaone. Yo mongwe gape a nyakago Bophelo bjo Bosafelego, ka go amogela Jesu Kriste? Modimo a go šegofatše. Ee. Modimo a go šegofatše, ba bararo ba lena, godimo ka bophagamong.

A seo ga se kgahliše? Masometharo tsoko, goba go feta, bjale. Go lokile.

<sup>189</sup> Modimo a le šegofatše. Yeo ke tsela, go amogela Jesu, Sehlabelo se se filwego sa Modimo. Yena ke Jehofa-Jireh. Go lokile. Morena a go šegofatše ka bophagamong, kgaetšedi wa ka, a go fe Bophelo bjo Bosafelego.

<sup>190</sup> Bjale o hwetša go ratwa ke Modimo. Ga go na Mokriste ka fa, yoo a tsebago e ka ba eng ka ga Modimo, eupša o a tseba gore metsotso ye mehlano ya go feta, seemo se fetogile, go felela, ka moagong wo. Yeo ke mnene. Le a bona? Feela ka go leswiswiswi kudu la nakwana, morago Jesu o tla mmogo.

<sup>191</sup> Yo mongwe gape e re, “Bjale ke amogela Jesu Kriste. Ke . . .” Modimo a go šegofatše, mohumagadi. “Ke a Mo amogela, ke nyaka leina la ka le ngwalwe godimo ga Puku ya Gagwe. Ke a Mo amogela thwi bjale bjalo ka mmuši wa ka yo mogolo wa bophelo bja ka.” Modimo a go šegofatše, mohlomphegi. Modimo a go šegofatše.

<sup>192</sup> Yo mongwe gape, mokgelogi, a tla emago gomme a re, “Nkile ka ba Mokriste, Ngwanešu Branham, eupša ke sepetše, kgole go tloga go Modimo. Bošengong bjo, ke tla Gae”? Modimo a go šegofatše, kgaetšedi. Modimo a go šegofatše, ngwanešu. Oo, Modimo o a go bona. Modimo a go šegofatše, mohumagadi. Modimo a go šegofatše, ngwanešu. Modimo a go šegofatše, kgaetšedi. Modimo a go šegofatše, kgaetšedi. Yeo ke nnete. Oo, nna! Modimo a go šegofatše, ngwanešu; ke go bona ka bophagamong. Modimo a go šegofatše. Modimo a go šegofatše, ngwanešu ka diatla tša gagwe godimo. Yo mongwe gape? Modimo a go šegofatše, mohumagadi. Go a kgahlisa. Modimo a go šegofatše, kgaetšedi. Go a kgahlisa. Yeo ke . . . E no tšwelangpele le etla. Gomme Modimo a go šegofatše, kgaetšedi; ke a go bona o eme. Modimo a go šegofatše, mohlomphegi, godimo kua sefaleng, ka seatla sa gago godimo. Modimo a go šegofatše.

<sup>193</sup> Ka morago, moragorago ka morago, a yo mongwe o tla re, “Ngwanešu Branham, bjale ke kgelogile; ke tla Gae. Ke amogela kalafi ya ka, Jesu Kriste, sehlabelo se se filwego bakeng sa go kgelogaga ka. Ke tla Gae, thwi bošengong bjo. Ke e rumu thwi fa, bjale le go ya go ile. Gomme ke a tseba gore ge . . .”? [Ga go selo go theipi—Mor.]

Bula go phatlalala matsogo a Gago a lerato,  
Morena, ke tla Gae.

Ke tla Gae, ke tla Gae,  
Ga ke sa tsoge ka tsekella gape;  
Bula go phatlalala letsogo la Gago la lerato,  
Morena, ke tla Gae.

<sup>194</sup> Ke a makala ge eba re ka kgona go e hama.

<sup>195</sup> Ge ba sa e hama, a go ne yo motee fa, a šetšego, a ka rego, “Morena, O a mpona ge ke ema. Ke tla Gae bjale. Ke lapišitšwe ke go tsekella go dikologa, khutšo ye e sego ya dudišega. Ke amogela tsela ya Gago ya go tšwa, Jesu Kriste bjalo ka Mophološi wa ka. Bjale ke a tla, Morena, feela bjalo ka ge ke le. Ke a tla; ke phagamišetša seatla sa ka godimo. Ke ya go ema le go Go dira o bone, le batheeletši ba, bao bjale ke dumelago, gomme ke tla Gae”? Modimo a go šegofatše, kgaetšedi.

Ke tla Gae, ke tla Gae, ga go sa le gape . . .

<sup>196</sup> E ka ba mang a ikwelago ka pelong ya bona gore ba nyaka go Mo amogela, e no ema ka maoto a gago.

Bula go phatlalala letsogo la Gago la lerato,

Morena, ke tla Gae.

E no tšwelapele, ge o rata, kgaetšedi.

<sup>197</sup> Ke ya go le kgopela se sengwe bjale. Motho yo mongwe le yo mongwe a emego, ke nyaka le eme ka maoto a lena ge ke le neela thapelo. Motho yo mongwe le yo mongwe yoo a emeletšego, ema gape, feela lebaka la dinakwana di se kae. E no emeleta, mogohle godimo ga moago. Yo mongwe le yo mongwe a emego, o eme gape, mogohle, maphagamong le mogohle, ba re ka kgonago go neela thapelo. Yeo ke yona. Yeo ke yona. Yo mongwe le yo mongwe wa lena yoo a emego, yoo a emego nakwana ya go feta. Gomme ge go na le e ka ba mang gape yoo a nyakago go ema le bona, go amogeleng Kriste, a le tla ema bjale. Modimo a le šegofatše.

A re inamišeng dihlogo tša rena bjale.

<sup>198</sup> Tate yo botho wa Legodimong, ba bjale ba a tla bjalo ka bana ba Gago. Ba šetše ba tlie. Nakwana yeo Moya wo Mokgethwa o boletšego le soulo ya bona, ba eme le go Go amogela, gomme O ba file Bophelo bjo bosafelego. Modimo, ba šegofatše. Sepela le bona go kgabola bophelo, Tate. Ba bangwe ba bona e bile bahlanka ba Gago, dinako tše di fetilego, eupša ba wele; gomme, bošegong bjo, Moya wo Mokgethwa, ka theroy Lentšu, o tlie fase le go ba tlotša. Gomme bjale ba a ema, ba Go amogela, le go Go fa ditebogo bakeng sa Bophelo bjo Bosafelego bja bona bjoo bjale ba nago le bjona ka go Jesu Kriste. Ke a Go leboga, Tate. A nke bophelo bja bona bo thabe le go thabiša. A nke bolwetši bo dule kgole go tloga mojako wa bona. Gomme a nke ba phele a matelele, maphelo a lethabo; gomme ba tle ka khutšo, ka Mmušong wa Modimo, mafelelong a lefase. Leineng la Jesu Kriste re a e kgopela. Amene.

<sup>199</sup> Modimo a le šegofatše. Gomme batho ba rile: [Phuthego e re, "Amene."—Mor.] "Amene." Modimo a šegofatše yo mongwe le yo mongwe. Ge o dutše kgauswi le yo mongwe yo a emeletšego; šišinya seatla sa bona, Mokriste, gomme o ba botše ka fao o ba thabelago.

<sup>200</sup> Ga re na le lefelo mo, go ba biletša godimo go dikologa aletara. Re no se be le—le sekgoba mo go e dira. Morena a le šegofatše; tše ntši, disoulo tše ntši.

<sup>201</sup> Bjale le a tseba, go ya ka Lentšu la Modimo, go diregile eng ka Legodimong ka nako ye? Barongwa ba a hlalala. Difolaga tše ntsho tša Sathane di fentšwe; ba fase gomme ba rakelwa ntle. Gomme Barongwa le difolaga tša bona tše tšhweu di phaphaselago kgabola Legodimo bošegong bjo, gomme dipele tša Letago di a lla, go no lla melodi, ge modiradibe yo motee a etla go Kriste. Morena a šegofatše le go tumišwa go ya go ile! Oo, nna!

<sup>202</sup> Ke no dumela re ya go ba le tirelo ya kgonthe ya phodišo bjale. Ee? Eng? Dikarata tša thapelo? [Ga go selo lefelong la theipi—Mor.]

<sup>203</sup> Nna, bjalo ka mohlanka wa Gagwe, ke tšeela moya wo mongwe le wo mongwe, ka moagong, ka tlase ga taolo ya ka, bakeng sa letago la Modimo. Lebaka ke bolelagoo seo, seo se bea Leina la Jesu Kriste godimo ga batheeletši ka moka. Ge Sathane a ka ba le manganga, le tla bona se se tla diregago. Go molaleng ba be ba ba rwalela thwi ka ntle ga mojako, ka ntle ga lefase le, le a bona.

<sup>204</sup> Bjale, ka fao le swanetše go obamela. Le se ke la emeleta gomme la sepela go dikologa. Dulang ka go iketla. Malwetši a a tloga go yo motee go ya go yo mongwe. Le a tseba, dirutegi tša Beibele, gore yeo ke therešo. Le a bona? E segó go bapala kereke bjale. Gomme ga ke ne boikarabelo go baswaswalatši goba basedumele. E kweng! Ke bolela Leineng la Gagwe.

<sup>205</sup> Bjale, Morongwa wa Morena, kgauswi, ke a tshepa gore Modimo o tla bonagatša tsogo ya Morwa wa Gagwe.

<sup>206</sup> Bjale etla kgauswi. Ke a nagana, kgaetšedi, wena le nna re eme fa mmogo, gore re basetsebane seng sa rena. Ga ke go tsebe. Ga se ka ke ka go bona. Eupša Modimo o a re tseba bobedi bja rena. O no ba motho yo a tlišitšwego godimo go tšwa batheeletšing. Ba bangwe ba bona ba go fa karata ya thapelo, ba bile le nomoro godimo ga yona. O no ba le nomoro ya gago, gomme e biditšwe, gomme ke wena yo.

<sup>207</sup> Gomme ga wa swanela go ba le karata ya thapelo. Mang kapa mang a dutšego ka batheeletšing, e no thoma go rapela; go bona ge eba Moya wo Mokgethwa o no se swane bošegong bjo, woo o lego kerekeng, woo o bego o le go Jesu Kriste. Bona ge O se ona. Ge O se ona, ge O se ona, gona ke beile Ebangedi ka go fošagala go lena, gona ke ba hlatse ya maaka ya tsogo. Ge Modimo a e tiišetša go ba Therešo, gona ke boletše Therešo, gomme Modimo o rile ke Therešo.

<sup>208</sup> Bjale, mohumagadi mo, mosetsebje, ga se ka ke ka mmona ka bophelong bja ka. Ga se a ke a mpona, ke a thanka. Re sa tšwa go kopana mo, yeo ke phetho. Ga ke mo tsebe. Modimo o a mo tseba.

<sup>209</sup> Bjale, ge Morena wa rena Jesu a be a le fa, O boletše le mosadi nako ye nngwe, ga se A ke a mmona ka bophelong bja Gagwe. O be a ega meetse tsoko sedibeng. Gomme O rile, "Ntlišetše seno." Gomme O boletše le yena botelele go lekanelo go swara moya wa gagwe, morago O mmoditše moo bothata bja gagwe bo bego bo le.

Gomme o rile, "Gabotse, ke a bona gore O moprofeta."

<sup>210</sup> Bjale, Jesu o rile, "Dilo tše Ke di dirago le tla di dira le lena, thwi go fihla bofelong bja lefase."

<sup>211</sup> Monna o tlide ka mothalong wa Gagwe wa thapelo, nako ye nngwe; o be a le monna wa moloki. O rile, "O Mokriste, monna wa go loka, monna wa go hlomphega."

<sup>212</sup> O rile, “O ntsebile neng, Rabi?” Goba, “Moruti, Morutiši,” e ka ba eng o e hlathollago.

<sup>213</sup> O rile, “Pele Filipi a go bitša, ge o be o le ka tlase ga mohlare, Ke go bone.” Ka mantšu a mangwe, “O rapetše pele o etla kopanong, gomme ke go bone o e dira.”

<sup>214</sup> O rile, “Wena o Morwa wa Modimo. Wena o Kgoši ya Israele.”

<sup>215</sup> Bjale ge Jesu a tsogile go tšwa bahung, gona O tla dira sa go swana.

<sup>216</sup> Bjale, batheeletši, bjale O fa, Morongwa wa Morena. Le lemoga seo bjale, gore se sengwe se diregile feela nako yeo. A yeo ga se therešo? Yeo ke therešo. E fa?

<sup>217</sup> Bjale, go go fodiša, nka se kgone. Bophelo bja gago o ka se kgone go bo uta, ka gore ga o ka bogoneng bja ngwaneno; bo ka Bogoneng bja Gagwe. A yeo ga se therešo? Gomme o Mo dumela ka pelo ya gago yohle, gore Modimo o re rometše fa go leka go go thuša. Ntle le go babja, ka bowena, o na le moratwa yo a babjago. Yoo ke monnamogatša wa gago. O na le go phatloga, a ga a? Ee. Bobedi le fodile. Le ka kgona go ya gae bjale. Modimo a be le wena gomme a go šegofatše. Modimo a go šegofatše, kgaetšedi.

Tumelo ye bonolo e kgwathile le go fodiša mosadi.

<sup>218</sup> Etla. Go bjang, kgaetšedi? Ke a nagana re basetsebane seng sa rena. Ga re tsebane seng. Bjale, ke no ba ngwaneno. Ke bakeng sa lesea la gago, ke se o lego fa bakeng sa sona. Moriti wo moso o lekeletše godimo ga lesea. Bolwetsi bja lona ga bo fole, bokgole bjo dingaka di amegago. A o a dumela O tla nkutollela se e lego phošo ka lesea? [Kgaetšedi o re, “Ee.”—Mor.] Ka pelo ya gago yohle, o a e dumela? [“Ee, mohlomphegi.”] Go bile le mohuta tsoko wa boitemogelo bja sepetlele. Lesea le bile le karo. Gomme ke se sengwe ka maleng. Gomme go na le mohuta tsoko wa lerapo goba se sengwe fale seo se fošagetšego. Gomme lesea le na le sebete sa go ruruga bjale. A seo ga se therešo? [“Ee, mohlomphegi.”] Yeo ke therešo, a ga se yona? [“Ee, mohlomphegi.”]

<sup>219</sup> Bjale, yoo e be e se nna yo a boletšego seo. Seo se be se nno neelwa ka botlalo go Jesu Kriste. Gomme Bogona bja Gagwe bo mo. Bjale selo se nnoši nka kgonago go se dira ke go kgopela Modimo bakeng sa lesea la gago. O amogela phodišo ya lesea? [Kgaetšedi o re, “Ee, mohlomphegi.”—Mor.]

<sup>220</sup> Kriste, Morwa wa Modimo, eba le kgaogelo go ngwana yo a hwago yo. A nke le dirwe go fola bjona bošego bjo. Efa, Morena Jesu, gore ditšhegofatšo tša Gago di tle godimo ga lona gomme le tla fola, ka gore ke kgopela se Leineng la Jesu Kriste. Amene.

<sup>221</sup> Modimo a go šegofatše, mme. A nke ke kwe ka lesea, se—se se diregilego. O ya go hwetša phapano ka go yona, ka go diiri tše masomepedi nne tše di latelago. Bjale elelwa se ke go boditšego. Yena Yo a tsebago se se bego se le, o tseba se se tla bago. Go lokile.

<sup>222</sup> Etsla, mohumagadi. A o dumela ka pelo ya gago yohle? A o a dumela gore Morena Jesu Kriste o mo go fodiša le go dira go fola? A o ntumela bjalo ka mohlanka wa Gagwe? [Kgaetšedi o re, “Ke a dira.”—Mor.] O a lemoga gore o ka Bogoneng bja Sengwe ntle le motho, gomme woo ke Moya wa Gagwe.

<sup>223</sup> Batheeletši ba ka no se kwešiše se. Eupša šetšang tlhagišo ka sefahlegong sa molwetši ge ba sepela kgaušwi mo. E sego ka gobane ke nna; ga ke ne selo go dira le yona. Ke no ba segalontšu. Eupša mosadi yo fa, goba e ka ba ofe wa ka moka, o a kwešiše le go tseba gore go ne se sengwe sa kagodimogatlhago fa. Gomme le kgona go se bona bjalo ka mohlolo. Mohlolo ke eng? Se sengwe seo se sa kwešišego.

<sup>224</sup> Bjale, mosadi, mosetsebje go nna, le nna go mosadi; ga re tsebane seng sa rena; lekga la mathomo bophelong go kopana, mohlomongwe. Eupša Modimo o re fepile bobedi ge e sa le re tswetšwe.

<sup>225</sup> Mohumagadi, a o dumela seo, Morena Jesu wa go swana yo a boletšego le mosadi sedibeng, yo ke mo emetšego fa bosegong bjo, gore makgolo a mararo... goba disoulo tše lekgolo le tharo di Mo amogetše bjalo ka Mophološi? A o a dumela bjale gore O tseba pelo ya gago, le go tseba se sengwe le se sengwe o se dirilego? Ge A ka nkutollela seo o se dumago bjale, a o tla se amogela? [Kgaetšedi o re, “Ke tla dira.”—Mor.] Neurosise. A yeo ke nnete? [“Yeo ke nnete.”] O a ntumela bjale? [“Kgonthe ke a dira.”] Bjale sese se sengwe gape. O ne kgahlego ka go moratwa, e lego mošemane. Gomme mošemane yola o na le bothata bja pelo. Gomme ke leloko la kereke mo ka Louisville, kereke ya Baptist. Sepela, Morena Jesu a go šegofatše gomme a go fe tlhologelo ya pelo ya gago. Amene.

[Ngwanešu sefaleng o re, “E re, ‘Tumišang Morena.’” Phuthego e re, “Tumišang Morena.”—Mor.]

<sup>226</sup> E no ba le tlhomphokgolo; amogela, dumela.

<sup>227</sup> Bjale ke bona mohumagadi, mohumagadi wa lekhala, a dutše, a rapela. O na le bothata bja pshio. Ga o na le bjona bjale, mohumagadi. Tumelo ya gago e go dirile o thakgafale. Emelela. Modimo a go šegofatše. E no dumela, ka pelo ya gago yohle, gomme o tla ba le yona.

Moya wo Mokgethwa, bodumedi bja Testamente ye Mpsha! Amene.

<sup>228</sup> A o a dumela kgatelelo yela ya madi e tla go tlogela, mohlomphegi; o dutšego fao, o ntebeletše? Ee. Go lokile, o ka ba le yona. Modimo a go šegofatše.

E no Mo dumela.

<sup>229</sup> Eba le tumelo, kgaetšedi, o dutšego fale o lebeletše ka tsela ye, o a rapela, le yena. O ne se sengwe sa phošo ka mogolo wa gago, a ga o? O dutše thwi morago ka morago ga mosetsana yola

yo monnyane fale. A o a dumela gore Modimo o tla go dira o fole, mohumagadi yo monnyane a dutšego fa? O dutše fale o a nthapelela go bolela se sengwe go wena. Ke a tseba ke seemo sa gago sa mogolo. Ga o hloke karata ya thapelo. O no hloka se o nago naso, tumelo. A o amogela phodišo ya gago bjale? Modimo a go šegofatše. O ya gae gomme wa fola bjale. Amene.

<sup>230</sup> Eba le tumelo! Dumela ka pelo ya gago yohle; Jesu Kriste o tla e tliša go phethega. Oo, ke a Mo rata, a ga le? [Phuthego e re, "Amene."—Mor.] Go lokile.

Etla, morena.

<sup>231</sup> Eba le tumelo go Modimo. Dumela ka pelo ya gago yohle. Modimo o tla e tliša go phethega.

<sup>232</sup> Go bjang, mohlomphegi. A o be o le yo mongwe wa baemi, metsotso e se mekae ya go feta? Ke a bona e sa le Seetša go go dikologa. O amogetše Kriste bjalo ka Mopholoshi wa gago wa sebele. O tlaišega ka seemo sa letšhogo. A yeo ga se nnete? O bile le mokgwa wo mobe, go kgoga. Modimo ga a nyake o dira seo. Seo se gobatša megalatšhika ya gago, go go dira o dire seo. A yeo ga se therešo? [Ngwanešu o re, "Ee, mohlomphegi."—Mor.] O nyaka go e tshela; o tlogela disekerete, o tlogele se sengwe le se sengwe. Jesu Kriste o šetše a kgwathile mmele wa gago, gomme o ya go fola le go Mo direla. O a dumela bjale?

<sup>233</sup> Gore o ke o tsebe se. Ga o tšwe toropongkgolo ye. O tšwa kantle ga toropo, a ga o? [Ngwanešu o re, "Yeo ke nnete."—Mor.] O tšwa Indiana. O tshetše noka. O tšwa toropongkgolo ye e bitšwago Greensburg, goba se sengwe go swana le seo, Indiana. A yeo ke nnete? Bjale o gabotse. Ya. Bjale o ka kgonago ya gae gomme wa fola. Modimo a go šegofatše.

<sup>234</sup> Batheeletši ebang tlhomphokgolo, ebang ka thapelong, ebang le letetše Modimo go šegofatše le go fodiša. Amene. Ebang le tumelo ka go Modimo!

<sup>235</sup> Wena o dutšego fao, mohumagadi, ka monwana wa gago godimo ka mokgwa *wo*, o tlaišega ka... A o a dumela gore Modimo o ya go go fodiša go kgatelelo yela ya fase ya madi o nago nayo? A o a dumela? Ee. A o a dumela gore O gona? Emelela ka maoto a gago gona gomme o e amogelete. E tla go tlogela, gomme o ka kgonago ya gae le go fola.

O re, "Ke eng e dirilego seo?"

<sup>236</sup> Jesu Kriste wa go swana yo a retologetše go mosadi ka taba ya madi, o rile, "Tumelo ya gago e go pholosítše." O rile O tseba dilo tšohle, gomme O e utolla bjalo ka ge A rata. Go lokile.

Tliša molwetši wa gago. Eba le tumelo.

<sup>237</sup> Go bjang, mohlomphegi? A o ntumela go ba mohlanka wa Gagwe? [Ngwanešu o re, "Ee, ke a dira, mohlomphegi."—Mor.] O a dumela o ka Bogoneng bja Gagwe, e sego ngwaneno. Eupša o a lemoga gore se sengwe se a direga? ["Ee, mohlomphegi."]

<sup>238</sup> Yo mongwe o rile ke be ke bala monagano wa gago feela nako yeo. Yeo ke phošo. Jesu Kriste “o bone menagano ya bona.” A yeo ke nnete? Batho ga ba nagane ka dibe tša bona le dilo tše ba di dirilego. Ke Moya wo Mokgethwa.

<sup>239</sup> Go lokile, lebelela ka tsela ye, mohlomphegi, gomme dumela. A re basetsebane seng sa rena? [Ngwanešu o re, “Ee, mohlomphegi.”—Mor.] Ga re tsebane seng. Go molaleng ga se ra tsoge ra bonana seng ka bophelong bjohle bja rena. [“Kopano ye ke phetho.”] Feel a kopano ye. [“Yeo ke nnete, mohlomphegi.”] Gona ge go na le e ka ba eng ka wena goba e ka ba eng, bolwetši bja gago goba e ka ba eng, ke feela Modimo a tla tsebago. Bokgole bjo ke amegago, ga ke tsebe.

<sup>240</sup> Eupša ke go bona o tšeelwa sepetele. O no ba o sa tšwa ka sepetele. Go na le selo se sengwe se fošagetše ka madi, didiramadi di a thubega, goba selo se sengwe. Gomme o bile. . . . Ke go bona malaong, gomme go ne mohuta tsoko wa se sengwe se lekeletše godimo hleng le wena, ke se sengwe se rothago. . . . Ke madi. Ke bona tee, pedi, tharo, nne, tlhano, tshela, tšhelo ya madi ga šupa o sa tšwago go ba le yona. A yeo ke therešo? [Ngwanešu o re, “Yeo ke nnete. Yoo ke Morena.”—Mor.] Ke therešo.

<sup>241</sup> O na le mosadimogatša yo a babjago. O na le athiraithisi, le bothata bja sebete. A yeo ke nnete? [Ngwanešu o re, “Yeo ke nnete.”—Mor.] Gomme ga o tšwe toropongkgolo ye. O tlide go tšwa godimo nokeng, go tšwa Cincinnati, Ohio. Leina la gago ke Berghaus. R. P. ke maletere a mathomo a gago. Boela gae gomme o fole, Jesu Kriste o go dirile o thakgafale.

<sup>242</sup> E ba le tumelo go Modimo! Go mmotša leina la gagwe? A Jesu Kriste ga se a botša Petro, “Wena o Petro”?

<sup>243</sup> Bjale ebang le tlhomphokgolo, bagwera. Dipono di go dira o fokole kudu. Le bile ka dikopanong, beke ye, gomme le tseba se ke boleLAGO ka sona. E nong go ba le tumelo ka go Modimo! Dumelang! Gomme go be go le se sengwe. . . . Nakwana feela.

<sup>244</sup> Ke bona mohumagadi pele ga ka. Aowa, ke—ke mohumagadi yo a dutšego thwi fa mo bofelong. Wena o. . . . Ga se wena; ke motho wa go bogega go fapana. Ke moratwa yo a lego ka sepetele, gomme ba na le kankere. Gomme ke mohumagadi, gomme o ka seemong sa go hwa. Gomme ke mogadibo wa gago. A yeo ke nnete? Ge e le, emeleta ka maoto a gago bjale gomme o amogele phodišo bakeng sa mogadibo wa gago ka sepetele. Morena Jesu Kriste Yo a tsebago tšohle ka yona!

<sup>245</sup> [Kgaetšedi o a hlalala—Mor.] Go lokile, kgaetšedi, o phaphatha seatla sa gago, o thakgetše. O bile le se sengwe sa phošo ka diatla tša gago, a ga se o dire? Go lokile, di fodile bjale, gomme o ka kgona go ya gae.

<sup>246</sup> Gomme wena o dutšego kgauswi le yena fale, o bile le matlapa a sabohloko. A ga se o dire, mohumagadi, o dutšego fale?

Emeleta ka maoto a gago. O ka kgona go ya gae, le wena, gomme wa fola. A a go tlogela, Leineng la Morena Jesu Kriste.

<sup>247</sup> E no dumela! “Dilo tšohle di a kgonega go bona ba ba dumelago.” Ebang le tumelo ka go Modimo!

<sup>248</sup> Tlišang mohumagadi. O a dumela, mohumagadi, ge o etla? O amogela Jesu bjalo ka Mophološi, gomme o nkamogela bjalo ka moprefeta wa Gagwe?

<sup>249</sup> Ka gona ge go le bjalo gomme ke pakile ka tsogo ya Jesu Kriste; Yena Yo a emego le go bolela le mosadi mo sedibeng, o tsebile tlwa se se bego se fošagetše ka yena. O rile, “Sepela o tsee monnamogaša wa gago.” O rile, “Etlang, bonang Monna o mpoditše se sengwe le se sengwe nkilego ka se dira.” Ga se nke a mmotša tšohle a kilego a di dira. Eupša O tsebile, bjalo ka ge Tate a tla utolla go Yena, tšohle a kilego a di dira. A Yena ke Morena Jesu wa go swana yo a tsogilego?

<sup>250</sup> O bile le kotsi. Aowa, o ne se sengwe boka ke... O bile... Ke Moya wo Mokgethwa ke se o se nyakago, kolobetšo ya Moya wo Mokgethwa. Yeo ke nnete. Gomme o na le... Ke bone se sengwe, o na le—o na le kgatelelo ya godimo ya madi, le yona, a ga se yona?

<sup>251</sup> Feela nakwana, pono e tšweletše pele ga ka. Oo, ke mosadi a dutšego fale, a rapela. Ke wena yo a bilego... O gobaditše leoto la gago, a ga wa dira? Kotsi, le go gobatša leoto la gago. A yeo ke nnete? [Kgaetšedi o re, “Yeo ke nnete.”—Mor.] Gomme o na le bothata bja pshio. A yeo ke nnete? [“Ee.”] Etlal pele go kgabaganya, le mohumagadi, bobedi le ya go dirwa go fola. Jesu Kriste...

<sup>252</sup> Haleluya! Oo, wa letago, wa go se kakwe Morena Jesu Kriste Yo a phološitšego soulo ya gago, feela nakwana ya go feta, ke go hlatsela Bogona bja Gagwe. Amene. Hlodishiša go theipi ya go gatiša ya gago gomme o bone ge eba se A se bolelago ga se therešo. Oo, ebang le tumelo ka go Modimo! Dumelang! “Dilo tšohle di a kgonega go bona bao ba dumelago.”

Go lokile, Billy, a yo ke molwetši wa gago? Mo tliše pele.

<sup>253</sup> Go dumela, ka pelo ya gago yohle? O ne moratwa o bothateng, le yena, a ga o dire? Ga ba fa ka go toropokgolo ye, ešita. Ba ne mohuta tsoko wa go tlhakgasela. Ke motantsho wa St. Vitus, boka. A yeo ke nnete? Gomme ba dula ka toropongkgolo moo go nago noka. Ke toropokgolo ye kgolo, gomme go ne noka e yago ka thoko ga yona. Gomme go na le bontši bja meto-... Ke St. Louis. A yeo ke nnete? Ke nnete.

<sup>254</sup> Gomme o na le leloko le lengwe, e lego kgaetšedi goba se sengwe, gomme o tšwa nageng ye e nago le dithaba ka go yona, mehlare ye metala go ya go ile. Ke Arkansas. Gomme o ne bothata bja pelo. Sepela, ditlhologelo tša gago di filwe go wena ke Jesu Kriste Morwa wa Modimo.

<sup>255</sup> A re reng, “Tumišo e be go Morena Jesu Kriste, Yena yo a tsogilego, Yena go tšwa Khalibari!”

<sup>256</sup> Ebang le tlhomphokgolo, le se hiduege. Motsotso feela, gomme re tla tswalela mo metsotsong e se mekae. Le se ke la šišinyega go dikologa ka mokgwa woo, e a dira, e a ntsenatsena. Ke na le...mo bošegong bjo, ke bogetše. Ebang le tlhomphokgolo.

<sup>257</sup> A nke mohumagadi a tle. A o a dumela o ka fola, ka tumelo, gomme sešo seo se tla go tlogela ntle le go dirwa karo? O e dumela ka pelo ya gago yohle? O a e amogela bjale? Leineng la Jesu Kriste, a nke e be go wena bjalo ka ge tumelo ya gago e boletše. Amene.

<sup>258</sup> Mohlomphegi, o dutšego fale, o aperego thai ye khubedu; o tlaišega ka go—go phatloga. A o a dumela gore Morena Jesu o go dira o fole? O a e amogela? O tšwa ka ntle ga toropo, le wena. Ke a bona o tšwa godimo nokeng, gape, Cincinnati. A yeo ga se nnete? Go lokile. Ge le sa šoma ka bobedi, bobedi emang ka maoto a lena gonabjale gomme le dirwe go fola Leineng la Jesu Kriste. Modimo a go šegofatše. E a go tlogela. Eya gae; o fole.

<sup>259</sup> Etlia, mohumagadi, o na le tumelo. A o a dumela gore bothata bjoo bja sesadi bo go tlogetše? O amogela Jesu bjalo ka mofodiši wa gago bakeng sa yona bjale? Seo e be e le sekutu, se dutlide, gomme ka pejana se be se tla be se le kankere. Eupša tumelo ya gago e go pholosítše. Bjale sepela, efa Modimo tumišo bakeng sa yona, gomme o tla ba le e ka ba eng o e kgopelago.

<sup>260</sup> Etlia, mohlomphegi, o dumela ka soulo yohle ya gago. Ge Modimo a ka utolla gore bothata bja gago ke eng, a o tla amogela phodišo ya gago? Bothata bja pelo. A yeo ke therešo? A o a dumela gore O a go fodiša bjale? Gona, O a dira. Tumelo ya gago e go dira o thakgafale. Sepela, ka khutšong ya Modimo e ba.

<sup>261</sup> Etlia, mohumagadi. O a dumela Modimo o tla fodiša lesea lela ge ke etla go kgabaganya sefala? Le na le bothata bja pshio. Eya bjale, Jesu Kriste o dira mohlankana yo monnyane a fole, Leineng la Jesu Kriste. Amene. O be o tšhogile; yeo e go tlogetše, gape. Modimo a be le wena.

<sup>262</sup> A le a Mo dumela? [Phuthego e re, “Amene.”—Mor.] Ebang le tumelo ka go Modimo!

<sup>263</sup> O nyaka go fihla ka godimo ga seemo sela sa megolo? O a dumela Modimo o go fodiša go sona? Ge o e dumela ka pelo ya gago yohle, emelela ka maoto a gago, mohumagadi. Amogela phodišo ya gago. Modimo a go šegofatše. O ka kgona go ya gae bjale gomme wa fola. Go lokile. A o dumela ka pelo ya gago yohle? A o tla amogela phodišo ya gago ge Jesu Kriste, a bolela, a ka utolla bothata bja gago? Re basetsebane seng sa renas, eupša, O tseba bothata bja gago. O na le bothata bja sehumagadi, bosadi, popelo le obari. Bjale, sepela, Modimo o go dirile o fole. Tumelo ya gago e a go pholosha, mohumagadi, Leineng la Jesu Kriste.

<sup>264</sup> A re reng, “Tumišang Morena!” [Phuthego e re, “Tumišang Morena!”] Yo mongwe le yo mongwe wa lena a ka fodišwa mo nakong ye, ge le ka dumela.

<sup>265</sup> Bjale, mohumagadi, ema mo o lego, lebelela ka tsela ye. Batheeletši ba ka moka, phesente ye kgolo ya bona, ba tlaišega ka letšhogo lela. Dinako tše dingwe o nagana o ya go lahlegelwa ke monagano wa gago, a ga o? O tšhoga kudu. Go se kgale o ušitše se sengwe; e be e le sekotlelo goba se sengwe, o be o eya go putla le sona. Eupša bjale Jesu Kriste o go fodišitše go tloga go lona, gomme o lemoga seo. Bjale eya pele tseleng ya gago, o hlalala.

<sup>266</sup> Bjale, Leineng la Jesu Morwa wa Modimo, ke hlohla modumedi yo mongwe le yo mongwe ka mo go dumela gore ye ke Therešo. A le a e dumela? [Phuthego e re, “Amene.”—Mor.] Gabotse, gona, ge ye e le Therešo ye e hlatsetšwego ya Modimo, nkhweng. Beanang diatla tša lena go lena seng, ge ke le rapelela. Gomme ke nyaka motho yo mongwe le yo mongwe ka fa bjale go amogela phodišo ya gago.

<sup>267</sup> Ramaatlakamoka Modimo, gaogela balwetši le bahloki. Go emeng fa, gomme kamora ye ka moka e bonala go ba Pilara ya Seetša e tee ye kgolo bjale. Go tsebeng yo mongwe o eme kgauswi ka diatla tša bona go ntikologa, di beilwe godimo ga disakatuku; ba šegofatše, Morena, go phodišo ya balwetši. Batho bohle ba ba hlokago mo, ka matsogo a bona le diatla di beilwe godimo ga yo mongwe go yo mongwe. A nke Maatla, tsela ye e filwego ke Modimo, Morwa wa Modimo, ka go Maatla a Gagwe a magolo le borena, a swiela godimo ga moago wo bjalo ka phefo ye maatla ya go kitima, le—le go ahlola bolwetši bjo bongwe le bjo bongwe, go lelekela ntle moyo wo mongwe le wo mongwe wo mobe.

<sup>268</sup> Bjale ke ahlola Sathane, ke tleleima phenyo godimo ga gagwe feela bjale. Gomme tšwela ka ntle, Sathane, ga batho ba, Leineng la Jesu Kriste.

<sup>269</sup> Gomme a nke yo mongwe le yo mongwe ka fa, yoo a dumelago gore Jesu o a ba fodiša, ba ema ka maoto a bona le go fa Modimo tumišo, ka go la Jesu Kriste Leina.

<sup>270</sup> Modimo, Leineng la Jesu Kriste, bjale ba amogela phodišo ya bona.



*MODIMO O NA LE TSELAYE FILWEGO* NST54-0404E  
(God Has A Provided Way)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Aporele 4, 1954, ka Memorial Auditorium ka Louisville, Kentucky, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)